

බුද්දකනිකාමය

ධම්මපදපාළි



ධම්මවිචය

පටුන

1. යමකවග්ගො	1
2. අප්පමාදවග්ගො	3
3. චිත්තවග්ගො	4
4. පුප්ඵවග්ගො	5
5. බාලවග්ගො	7
6. පණ්ඩිතවග්ගො	9
7. අරහන්තවග්ගො	11
8. සහස්සවග්ගො	12
9. පාපවග්ගො	13
10. දණ්ඩවග්ගො	15
11. ජරාවග්ගො	17
12. අත්තවග්ගො	18
13. ලොකවග්ගො	19
14. බුද්ධවග්ගො	21
15. සුඛවග්ගො	22
16. පියවග්ගො	24
17. කොඨවග්ගො	25
18. මලවග්ගො	27
19. ධම්මට්ඨවග්ගො	29
20. මග්ගවග්ගො	31
21. පකිණ්ණකවග්ගො	33
22. නිරයවග්ගො	34
23. නාගවග්ගො	36
24. තණ්හාවග්ගො	37
25. භික්ඛුවග්ගො	40
26. බ්‍රාහ්මණවග්ගො	43

“ධම්මා සුතා ධාතා චච්ඡා පරිච්ඡා මනසානුපෙක්ඛිතා දිට්ඨියා සුප්පට්ඨිද්ධා.”

(මහා සුඤ්ඤත සුත්තං; මජ්ඣිම නිකායයා, උපරිපණ්ණාසකා, සුඤ්ඤත වග්ගො.)

පටුන සංස්කරණය - භික්ඛු ධම්මවිහාරී
(මෙම සංග්‍රහය භික්ඛු වැඩසටහනින් උපුටා සකසන ලදී)

බුද්දකනිකායෙ

ධම්මපදපාළි

1. යමකවග්ගො

1.

මනොපුබ්බභිගමා ධම්මා, මනොසෙට්ඨා මනොමයා;
මනසා වෙ පදුට්ඨෙත, භාසති වා කරොති වා;
තතො නං දුක්ඛමන්වෙති, චක්ඛංව වහතො පදං.

2.

මනොපුබ්බභිගමා ධම්මා, මනොසෙට්ඨා මනොමයා;
මනසා වෙ පසන්තෙන, භාසති වා කරොති වා;
තතො නං සුඛමන්වෙති, ඡායාව අනපායිනී [අනුපායිනී (ක.)].

3.

අක්කොච්ඡි මං අවධි මං, අජිනී [අජිනී (?)] මං අභාසි මෙ;
යෙ ච තං උපනස්හන්ති, වෙරං තෙසං න සම්මති.

4.

අක්කොච්ඡි මං අවධි මං, අජිනී මං අභාසි මෙ;
යෙ ච තං නුපනස්හන්ති, වෙරං තෙසුපසම්මති.

5.

න හි වෙරෙන වෙරානි, සම්මන්තීධ කුදාවනං;
අවෙරෙන ච සම්මන්ති, එස ධම්මො සන්ත්තනො.

6.

පරෙ ච න විජානන්ති, මයමෙත්ථ යමාමසෙ;
යෙ ච තත්ථ විජානන්ති, තතො සම්මන්ති මෙධගා.

7.

සුභානුපස්සිං විහරන්තං, ඉන්ද්‍රියෙසු අසංවුතං;
භොජනම්හි වාමත්තඤ්ඤං, කුසිතං හීනචිරියං;
තං වෙ පසහති මාරො, වාතො රුක්ඛංව දුබ්බලං.

8.

අසුභානුපස්සිං විහරන්තං, ඉන්ද්‍රියෙසු සුසංවුතං;
භොජනම්හි ච මත්තඤ්ඤං, සද්ධං ආරද්ධචිරියං;

තං වෙ නප්පසහති මාරො, වාතො සෙලංව පබ්බතං.

9.

අනික්කසාවො කාසාවං, යො වත්ථං පරිදහිස්සති;
අපෙනො දමසව්වෙන, න සො කාසාවමරහති.

10.

යො ච වන්තකසාවස්ස, සීලෙසු සුසමාහිතො;
උපෙනො දමසව්වෙන, ස වෙ කාසාවමරහති.

11.

අසාරෙ සාරමතිනො, සාරෙ වාසාරදස්සිනො;
තෙ සාරං නාධිගච්ඡන්ති, මිච්ඡාසඬ්ඤාප්පගොචරා.

12.

සාරඤ්ච සාරතො ඤත්වා, අසාරඤ්ච අසාරතො;
තෙ සාරං අධිගච්ඡන්ති, සම්මාසඬ්ඤාප්පගොචරා.

13.

යථා අගාරං දුච්ඡන්තං, චුට්ඨි සමතිවිජ්ඣති;
එවං අභාවිතං චිත්තං, රාගො සමතිවිජ්ඣති.

14.

යථා අගාරං සුඡන්තං, චුට්ඨි න සමතිවිජ්ඣති;
එවං සුභාවිතං චිත්තං, රාගො න සමතිවිජ්ඣති.

15.

ඉධ සොචති පෙච්ච සොචති, පාපකාරී උභයත්ථ සොචති;
සො සොචති සො විහඤ්ඤති, දිස්වා කම්මකිලිට්ඨමත්තනො.

16.

ඉධ මොදති පෙච්ච මොදති, කතපුඤ්ඤො උභයත්ථ මොදති;
සො මොදති සො පමොදති, දිස්වා කම්මවිසුද්ධිමත්තනො.

17.

ඉධ තප්පති පෙච්ච තප්පති, පාපකාරී **[පාපකාරී (?)]** උභයත්ථ
තප්පති;
“පාපං මෙ කත”න්ති තප්පති, හිංසා **[හිංසා (සි.)]** තප්පති දුග්ගතිං
ගතො.

18.

ඉධ නන්දති පෙච්ච නන්දති, කතපුඤ්ඤො උභයත්ථ නන්දති;

“පුඤ්ඤං මෙ කත”න්ති නන්දති, භියො නන්දති සුග්ගතිං ගතො.

19.

බහුමපි චෙ සංභිත [සහිතං (සි. ස්‍යා. කං. පි.)] භාසමානො, න තක්කරො හොති නරො පමත්තො;
ගොපොච ගාවො ගණයං පරෙසං, න භාගවා සාමඤ්ඤස්ස හොති.

20.

අප්පමිපි චෙ සංභිත භාසමානො, ධම්මස්ස හොති [හොති (සි. පි.)]
අනුධම්මචාරී;
රාගඤ්ච දොසඤ්ච පහාය මොහං, සම්මප්පජානො
සුචිත්තචිත්තො;
අනුපාදියානො ඉධ වා හුරං වා, ස භාගවා සාමඤ්ඤස්ස හොති.

යමකචග්ගො පයමො නිට්ඨිතො.

2. අප්පමාදචග්ගො

21.

අප්පමාදො අමතපදං [අමතං පදං (ක.)], පමාදො මච්චුනො පදං;
අප්පමත්තා න මීයන්ති, යෙ පමත්තා යථා මතා.

22.

ඵචං [ඵතං (සි. ස්‍යා. කං. පි.)] විසෙසනො ඤත්වා, අප්පමාදමිහි
පණ්ඩිතා;
අප්පමාදෙ පමොදන්ති, අරියානං ගොචරෙ රතා.

23.

තෙ ක්කායිනො සාතතිකා, නිච්චං දල්භපරක්කමා;
ඵසන්ති ධීරා නිබ්බානං, යොගක්ඛෙමං අනුත්තරං.

24.

උට්ඨානචනො සතීමනො [සතීමනො (සි. ස්‍යා. ක.)], සුචිකම්මස්ස
නිසම්මකාරිනො;
සඤ්ඤතස්ස ධම්මජීවිනො, අප්පමත්තස්ස [අපමත්තස්ස (?)]
යසොභිවඩ්ඪති.

25.

උට්ඨානෙනප්පමාදෙන, සංයමෙන දමෙන ච;
දීපං කයිරාථ මෙධාවී, යං ඔසො නාභිකීරති.

26.

පමාදමනුයුඤ්ජන්ති, බාලා දුම්මෙධිනො ජනා;

අප්පමාදඤ්ච මෙධාවී, ධනං සෙට්ඨංව රක්ඛති.

27.

මා පමාදමනුයුක්ඡෙථ, මා කාමරතිසන්ථවං **[සන්ධවං (ක)]**;
අප්පමත්තො හි ක්කායන්තො, පප්පොති විපුලං සුඛං.

28.

පමාදං අප්පමාදෙන, යදා නුදති පණ්ඩිතො;
පඤ්ඤාපාසාදමාරුග්ග, අසොකො සොකිනිං පජං;
පබ්බතට්ඨොව භූමට්ඨෙ **[භූමිමට්ඨෙ (සී. සායා.)]**, ධීරො බාලෙ
අවෙක්ඛති.

29.

අප්පමත්තො පමත්තෙසු, සුත්තෙසු බහුජාගරො;
අබලස්සංව සීසස්සො, හිත්වා යාති සුමෙධසො.

30.

අප්පමාදෙන මසවා, දෙවානං සෙට්ඨතං ගතො;
අප්පමාදං පසංසන්ති, පමාදො ගරහිතො සදා.

31.

අප්පමාදරතො හික්ඛු, පමාදෙ භයදස්සි වා;
සංයොජනං අණුං ථුලං, ඩහං අග්ගිව ගච්ඡති.

32.

අප්පමාදරතො හික්ඛු, පමාදෙ භයදස්සි වා;
අභබ්බො පරිභානාය, නිබ්බානස්සෙව සන්තිකෙ.

අප්පමාදවග්ගො දුතියො නිට්ඨිතො.

3. චිත්තවග්ගො

33.

ඵන්දනං වපලං චිත්තං, දුරක්ඛං **[දුරක්ඛං (සබ්බත්ථ)]** දුන්නිවාරයං;
උජුං කරොති මෙධාවී, උසුකාරොව තෙජනං.

34.

වාරිජොව ථලෙ ඛිත්තො, ඔකමොකතඋබ්භතො;
පරිඵන්දනිදං චිත්තං, මාරධෙය්‍යං පහාතවෙ.

35.

දුන්නිග්ගහස්ස ලහුනො, යත්ථකාමනිපාතිනො;
චිත්තස්ස දමොපා සාධු, චිත්තං දන්තං සුඛාවහං.

36.

සුද්දදසං සුනිපුණං, යත්ථකාමනිපාතිනං;
චිත්තං රක්ඛෙථ මෙධාවී, චිත්තං ගුත්තං සුඛාවහං.

37.

දුරඬගමං එකවරං [එකවාරං (ක.)], අසරීරං ගුහාසයං;
යෙ චිත්තං සංයමෙස්සන්ති, මොක්ඛන්ති මාරඛන්ධනා.

38.

අනවට්ඨිතචිත්තස්ස, සද්ධම්මං අවිජානතො;
පරිප්ලවපසාදස්ස, පඤ්ඤා න පරිපුරති.

39.

අනවස්සුතචිත්තස්ස, අනන්වාහතචෙතසො;
පුඤ්ඤපාපපහිනස්ස, නත්ථි ජාගරතො භයං.

40.

කුම්භූපමං කායමිමං විදිත්වා, නගරූපමං චිත්තමිදං යපෙත්වා;
යොධෙථ මාරං පඤ්ඤාචූධෙන, ජිතඤ්ච රක්ඛෙ අනිචෙසනො සියා.

41.

අවිරං වනයං කායො, පථවිං අධිසෙස්සති;
සුද්ධො අපෙතවිඤ්ඤාණො, නිරත්ථංව කලිඬගරං.

42.

දිසො දිසං යං තං කයිරා, වෙරී වා පන වෙරිනං;
මිච්ඡාපණ්හිතං චිත්තං, පාපියො [පාපියං (?)] නං තතො කරෙ.

43.

න තං මාතා පිතා කයිරා, අඤ්ඤෙ වාපි ව ඤාතකා;
සම්මාපණ්හිතං චිත්තං, සෙය්‍යසො නං තතො කරෙ.

චිත්තවග්ගො තතියො නිට්ඨිතො.

4. පුජ්ඵවග්ගො

44.

කො ඉමං [කොමං (ක.)] පථවිං විචෙස්සති [විජෙස්සති (සී. ස්‍යා. පී.)], යමලොකඤ්ච ඉමං සදෙවකං;
කො ධම්මපදං සුදෙසිතං, කුසලො පුජ්ඵමිව පචෙස්සති [පුජ්ඵමිවජ්ජෙස්සති (ක.)].

45.

සෙබො පථවිං විවෙස්සති, යමලොකඤ්ච ඉමං සදෙවකං;
සෙබො ධම්මපදං සුදෙසිතං, කුසලො පුජ්ඵමිව පවෙස්සති.

46.

ඵෙණුපමං කායමිමං විදිත්වා, මරීචිධම්මං අභිසම්බුධානො;
ජෙත්වාන මාරස්ස පපුජ්ඵකානි [\[සපුජ්ඵකානි \(ටිකා\)\]](#), අදස්සනං
මච්චුරාජස්ස ගච්ඡෙ.

47.

පුජ්ඵානි හෙව පචිනන්තං, බ්‍යාසත්තමනසං [\[බ්‍යාසත්තමානසං \(ක.\)\]](#)
නරං;
සුත්තං ගාමං මහොසොව, මච්චු ආදාය ගච්ඡති.

48.

පුජ්ඵානි හෙව පචිනන්තං, බ්‍යාසත්තමනසං නරං;
අතිත්තඤ්ඤෙව කාමෙසු, අන්තකො කුරුතෙ වසං.

49.

යථාපි හමරො පුජ්ඵං, චණ්ණගන්ධමහෙයං
[\[චණ්ණගන්ධමපොයං \(ක.\)\]](#);
පලෙති රසමාදාය, එවං ගාමෙ මුනී වරෙ.

50.

න පරෙසං විලොමානි, න පරෙසං කතාකතං;
අත්තනොව අවෙක්ඛෙය්‍ය, කතානි අකතානි ව.

51.

යථාපි රුචිරං පුජ්ඵං, චණ්ණචන්තං අගන්ධකං;
එවං සුභාසිතා වාචා, අඵලා හොති අකුඛිතො.

52.

යථාපි රුචිරං පුජ්ඵං, චණ්ණචන්තං සුගන්ධකං [\[සගන්ධකං \(සී. ස්‍යා. කං. පී.\)\]](#);
එවං සුභාසිතා වාචා, සඵලා හොති කුඛිතො [\[සකුඛිතො \(සී. පී.\), පකුඛිතො \(සී. අට්ඨ.\), සුකුඛිතො \(ස්‍යා. කං.\)\]](#).

53.

යථාපි පුජ්ඵරාසිමිහා, කයිරා මාලාගුණෙ බහු;
එවං ජාතෙන මච්චෙන, කත්තඛිඛං කුසලං බහුං.

54.

න පුජ්ඵගන්ධො පටිවාතමෙනි, න චන්දනං තගරමල්ලිකා
[තගරමල්ලිකා (සී. ස්‍යා. කං. පී.)];
සතඤ්ච ගන්ධො පටිවාතමෙනි, සබ්බා දිසා සජ්ජුරිසො පවායති.

55.

චන්දනං තගරං වාපි, උජ්ජලං අථ වස්සිකී;
එතෙසං ගන්ධජාතානං, සීලගන්ධො අනුත්තරො.

56.

අජ්ජමත්තො අයං ගන්ධො, ය්වායං තගරචන්දනං [යායං
තගරචන්දනී (සී. ස්‍යා. කං. පී.)];
යො ච සීලවතං ගන්ධො, වාතී දෙවෙසු උත්තමො.

57.

තෙසං සම්පන්නසීලානං, අජ්ජමාදවිහාරිනං;
සම්මදඤ්ඤා විමුක්තානං, මාරො මග්ගං න වින්දති.

58.

යථා සඬ්ඛාරධානස්මිං [සඬ්ඛාරධානස්මිං (සී. ස්‍යා. කං. පී.)],
උජ්ඣිතස්මිං මහාපථෙ;
පදුමං තත්ථ ජායෙථ, සුචිගන්ධං මනොරමං.

59.

ඵචං සඬ්ඛාරභූතෙසු, අන්ධභූතෙ [අන්ධිභූතෙ (ක.)] පුථුජ්ජනෙ;
අතිරොචති පඤ්ඤාය, සම්මාසම්බුද්ධසාවකො.

පුජ්ඵචග්ගො චතුත්ථො නිට්ඨිතො.

5. බාලචග්ගො

60.

දීසා ජාගරතො රත්ති, දීසං සන්තස්ස යොජනං;
දීසො බාලානං සංසාරො, සද්ධම්මං අවිජානනං.

61.

චරඤ්චෙ නාධිගච්ඡෙය්‍යා, සෙය්‍යං සදිසමත්තනො;
එකචරියං [එකචරියං (ක.)] දළ්භං කයිරා, නත්ථි බාලෙ සභායතා.

62.

පුත්තා මත්ථි ධනම්මත්ථි [පුත්තමත්ථි ධනමත්ථි (ක.)], ඉති බාලො
විහඤ්ඤති;
අත්තා හි [අත්තාපි (?)] අත්තනො නත්ථි, කුතො පුත්තා කුතො
ධනං.

63.

යො බාලො මඤ්ඤති බාලාං, පණ්ඩිතො වාපි තෙන සො;
බාලො ච පණ්ඩිතමානී, ස චෙ “බාලො”ති වුච්චති.

64.

යාවජීවමපි චෙ බාලො, පණ්ඩිතං පයිරුපාසති;
න සො ධම්මං විජානාති, දබ්බි සුපරසං යථා.

65.

මුහුත්තමපි චෙ විඤ්ඤා, පණ්ඩිතං පයිරුපාසති;
බිජ්ජං ධම්මං විජානාති, ජීවිහා සුපරසං යථා.

66.

චරන්ති බාලා දුම්මෙධා, අමිත්තෙනෙව අත්තනා;
කරොන්තා පාපකං කම්මං, යං හොති කට්ඨකජ්ඵලං.

67.

න තං කම්මං කතං සාධු, යං කත්වා අනුතජ්ජති;
යස්ස අස්සුමුඛො රොදං, විපාකං පටිසෙවති.

68.

තඤ්ච කම්මං කතං සාධු, යං කත්වා නානුතජ්ජති;
යස්ස පතීතො සුමනො, විපාකං පටිසෙවති.

69.

මධුචා [මධුං චා (දී. නි. ටිකා 1)] මඤ්ඤති බාලො, යාව පාපං න
පච්චති;
යදා ච පච්චති පාපං, බාලො [අථ බාලො (සී. සාය.) අථ (?)] දුක්ඛං
නිගච්ඡති.

70.

මාසෙ මාසෙ කුසග්ගෙන, බාලො භුඤ්ජෙය්‍ය හොජනං;
න සො සඨ්ඛාතධම්මානං [සඨ්ඛාතධම්මානං (සී. පී. ක.)], කලං
අග්ගති සොළසිං.

71.

න හි පාපං කතං කම්මං, සජ්ජු ඛීරංච මුච්චති;
ඛහන්තං බාලමන්චෙති, හස්මච්ඡන්තොච [හස්මාජන්තොච (සී. පී.
ක.)] පාවකො.

72.

යාවදෙව අනත්ථාය, ඤත්තං [ඤාතං (?)] බාලස්ස ජායති;

හන්ති බාලස්ස සුක්කංසං, මුද්ධමස්ස විපාතයං.

73.

අසන්තං භාවනමිච්ඡෙය්‍ය [අසන්තං භාවමිච්ඡෙය්‍ය (සා.)),
අසන්තභාවනමිච්ඡෙය්‍ය (ක.)], පුරෙක්ඛාරඤ්ච භික්ඛුසු;
ආවාසෙසු ච ඉස්සරියං, පුජා පරකුලෙසු ච.

74.

මමෙව කත මඤ්ඤන්තු, ගිහිපබ්බජිතා උහො;
මමෙවාතිවසා අස්සු, කිච්චාකිච්චෙසු කිස්මිචි;
ඉති බාලස්ස සඬකප්පො, ඉච්ඡා මානො ච වඩ්ඪති.

75.

අඤ්ඤා හි ලාභූපනිසා, අඤ්ඤා නිබ්බානගාමිනී;
එවමෙතං අභිඤ්ඤාය, භික්ඛු බුද්ධස්ස සාවකො;
සක්කාරං නාහිනන්දෙය්‍ය, විවෙකමනුබ්බහයෙ.

බාලවග්ගො පඤ්චමො නිට්ඨිතො.

6. පණ්ඩිතවග්ගො

76.

නිධිනංව පවත්තාරං, යං පස්සෙ වජ්ජදස්සිනං;
නිග්ගස්භවාදිං මෙධාපිං, තාදිසං පණ්ඩිතං භජෙ;
තාදිසං භජමානස්ස, සෙය්‍යො හොති න පාපියො.

77.

ඔවදෙය්‍යානුසාසෙය්‍ය, අසබ්බා ච නිවාරයෙ;
සතඤ්චි සො පියො හොති, අසතං හොති අප්පියො.

78.

න භජෙ පාපකෙ මිත්තෙ, න භජෙ පුරිසාධමෙ;
භජෙථ මිත්තෙ කල්‍යාණෙ, භජෙථ පුරිසුත්තමෙ.

79.

ධම්මපීති සුඛං සෙති, විජ්ජසන්තොන චෙතසා;
අරියජ්ජවෙදිතෙ ධම්මෙ, සදා රමති පණ්ඩිතො.

80.

උදකඤ්චි නයන්ති තොත්තිකා, උසුකාරා නමයන්ති [දමයන්ති (ක.)]
තෙජනං;
දාරුං නමයන්ති තච්ඡකා, අත්තානං දමයන්ති පණ්ඩිතා.

81.

සෙලො යථා එකසනො [එකග්ගනො (ක.)], වාතෙන න සමීරති;
එවං නින්දාපසංසාසු, න සමිඤ්ජන්ති පණ්ඩිතා.

82.

යථාපි රහදො ගම්භීරො, විජ්ජසන්නො අනාවිලො;
එවං ධම්මානි සුත්වාන, විජ්ජසිදන්ති පණ්ඩිතා.

83.

සබ්බත්ථ වෙ සප්පුරිසා වජන්ති, න කාමකාමා ලපයන්ති සන්නො;
සුඛෙන ඵ්ථිඨා අථ වා දුඛෙන, න උච්චාවචං [නොච්චාවචං (සි.
අථි.)] පණ්ඩිතා දස්සයන්ති.

84.

න අත්තහෙතු න පරස්ස හෙතු, න පුත්තමිච්ඡෙ න ධනං න රට්ඨං;
න ඉච්ඡෙය්‍ය [නයිච්ඡෙ (පි.), නිච්ඡෙ (?)] අධම්මෙන
සමිද්ධිමත්තනො, ස සීලවා පඤ්ඤවා ධම්මිකො සියා.

85.

අප්පකා තෙ මනුස්සෙසු, යෙ ජනා පාරගාමීනො;
අථායං ඉතරා පජා, තීරමෙවානුධාවති.

86.

යෙ ව ඛො සම්මදක්ඛාතෙ, ධම්මෙ ධම්මානුවත්තිනො;
තෙ ජනා පාරමෙස්සන්ති, මච්චුධෙය්‍යං සුදුත්තරං.

87.

කණ්ඨං ධම්මං විජ්ජහාය, සුක්කං භාවෙථ පණ්ඩිතො;
ඔකා අනොකමාගම්ම, විවෙකෙ යත්ථ දුරමං.

88.

තත්‍රාභිරතිමිච්ඡෙය්‍ය, භිත්වා කාමෙ අකිඤ්චනො;
පරියොදපෙය්‍ය [පරියොදාපෙය්‍ය (?)] අත්තානං, විත්තක්ලෙසෙහි
පණ්ඩිතො.

89.

යෙසං සම්බොධියඬිගෙසු, සම්මා විත්තං සුභාවිතං;
ආදානපට්ඨිස්සග්ගෙ, අනුපාදාය යෙ රතා;
ඛිණාසවා ජුතිමත්තො, තෙ ලොකෙ පරිනිබ්බුතා.

පණ්ඩිතවග්ගො ඡට්ඨො නිට්ඨිතො.

7. අරහත්තවග්ගො

90.

ගතද්ධිනො විසොකස්ස, විජ්ජමුත්තස්ස සබ්බධි;
සබ්බගත්ථජ්ජනිතස්ස, පරිලාභො න විජ්ජති.

91.

උය්‍යුඤ්ජන්ති සතීමත්තො, න නිකෙතෙ රමන්ති තෙ;
භංසාව පල්ලලං හිත්වා, ඔකමොකං ජහන්ති තෙ.

92.

යෙසං සන්තිවයො නත්ථී, යෙ පරිඤ්ඤාතභොජනා;
සුඤ්ඤතො අනිමිත්තො ච, විමොක්ඛො යෙසං ගොචරො;
ආකාසෙ ච සකුන්තානං [සකුණානං (ක.)], ගති තෙසං දුරන්තයා.

93.

යස්සාසවා පරික්ඛිණා, ආහාරෙ ච අනිස්සිතො;
සුඤ්ඤතො අනිමිත්තො ච, විමොක්ඛො යස්ස ගොචරො;
ආකාසෙ ච සකුන්තානං, පදං තස්ස දුරන්තයං.

94.

යස්සින්ද්‍රියානි සමථචිගතානි [සමථං ගතානි (සි. පී.)], අස්සා යථා
සාරථිනා සුදන්තා;
පහිනමානස්ස අනාසවස්ස, දෙවාපි තස්ස පිභයන්ති තාදිනො.

95.

පථවිසමො නො විරුජ්ඣති, ඉන්දබ්බපමො [ඉන්දබ්බපමො (සි.
සා. ක.)] තාදි සුබ්බතො;
රහදොච අපෙතකද්දමො, සංසාරා න භවන්ති තාදිනො.

96.

සන්තං තස්ස මනං භොති, සන්තා වාචා ච කම්ම ච;
සම්මදඤ්ඤා විමුත්තස්ස, උපසන්තස්ස තාදිනො.

97.

අස්සද්ධො අකතඤ්ඤ ච, සන්ධිච්ඡෙදො ච යො නරො;
හතාවකාසො චන්තාසො, ස වෙ උත්තමපොරිසො.

98.

ගාමෙ වා යදි වාරඤ්ඤ, නින්තෙ වා යදි වා ථලෙ;
යත්ථ අරහත්තො විහරන්ති, තං භූමිරාමණෙය්‍යකං.

99.

රමණියානි අරඤ්ඤානි, යත්ථ න රමනී ජනො;
වීතරාගා රමිස්සන්ති, න තෙ කාමගවෙසිනො.
අරහන්තවග්ගො සත්තමො නිට්ඨිනො.

8. සහස්සවග්ගො

100.

සහස්සමපි වෙ වාචා, අනත්ථපදසංහිතා;
එකං අත්ථපදං සෙය්‍යො, යං සුත්වා උපසම්මති.

101.

සහස්සමපි වෙ ගාථා, අනත්ථපදසංහිතා;
එකං ගාථාපදං සෙය්‍යො, යං සුත්වා උපසම්මති.

102.

යො ව ගාථා සතං භාසෙ, අනත්ථපදසංහිතා [අනත්ථපදසඤ්ඤිතං
(ක.) විසෙසනං හෙතං ගාථානිපදස්ස];
එකං ධම්මපදං සෙය්‍යො, යං සුත්වා උපසම්මති.

103.

යො සහස්සං සහස්සෙත, සඬිගාමෙ මානුසෙ ජිනෙ;
එකඤ්ච ජෙය්‍යමත්තානං [අත්තානං (සි. පි.)], ස වෙ
සඬිගාමපුත්තමො.

104.

අත්තා භවෙ ජිතං සෙය්‍යො, යා වායං ඉතරා පජා;
අත්තදත්තස්ස පොසස්ස, නිව්චං සඤ්ඤතචාරිනො.

105.

නෙව දෙවො න ගන්ධබ්බො, න මාරො සහ බ්‍රහ්මුතා;
ජිතං අපජිතං කශිරා, තථාරූපස්ස ජන්තුනො.

106.

මාසෙ මාසෙ සහස්සෙත, යො යජෙථ සතං සමං;
එකඤ්ච භාවිතත්තානං, මුහුත්තමපි පූජයෙ;
සායෙව පූජනා සෙය්‍යො, යඤ්චෙව වස්සසතං හුතං.

107.

යො ව වස්සසතං ජන්තු, අග්ගිං පරිවරෙ වනෙ;
එකඤ්ච භාවිතත්තානං, මුහුත්තමපි පූජයෙ;
සායෙව පූජනා සෙය්‍යො, යඤ්චෙව වස්සසතං හුතං.

108.

යං කිඤ්චි යිට්ඨං ව හුතං ව [යිට්ඨඤ්ච හුතඤ්ච (ක.)] ලොකෙ,
සංවච්ඡරං යජෙථ පුඤ්ඤපෙක්ඛො;
සබ්බම්පි තං න චතුභාගමෙනි, අභිවාදනා උජ්ජුගතෙසු සෙය්‍යො.

109.

අභිවාදනසිලිස්ස, නිව්චං වුඨ්ඨාපවායිනො [වද්ධාපවායිනො (සි. 8.)];
චත්තාරො ධම්මා වඨ්ඨන්ති, ආයු වණ්ණො සුඛං බලං.

110.

යො ච වස්සසතං ජීවෙ, දුස්සිලො අසමාහිතො;
එකාහං ජීවිතං සෙය්‍යො, සීලවන්තස්ස ඤායිතො.

111.

යො ච වස්සසතං ජීවෙ, දුප්පඤ්ඤො අසමාහිතො;
එකාහං ජීවිතං සෙය්‍යො, පඤ්ඤවන්තස්ස ඤායිතො.

112.

යො ච වස්සසතං ජීවෙ, කුසිනො හීනවිරියො;
එකාහං ජීවිතං සෙය්‍යො, වීරියමාරහතො දළ්භං.

113.

යො ච වස්සසතං ජීවෙ, අපස්සං උදයබ්බයං;
එකාහං ජීවිතං සෙය්‍යො, පස්සතො උදයබ්බයං.

114.

යො ච වස්සසතං ජීවෙ, අපස්සං අමතං පදං;
එකාහං ජීවිතං සෙය්‍යො, පස්සතො අමතං පදං.

115.

යො ච වස්සසතං ජීවෙ, අපස්සං ධම්මමුත්තමං;
එකාහං ජීවිතං සෙය්‍යො, පස්සතො ධම්මමුත්තමං.

සහස්සවග්ගො අට්ඨමො නිට්ඨිතො.

9. පාපවග්ගො

116.

අභිත්ථරෙථ කල්‍යාණෙ, පාපා විත්තං නිවාරයෙ;
දන්ධඤ්චි කරොතො පුඤ්ඤං, පාපස්මිං රමති මනො.

117.

පාපඤ්චෙ පුරිසො කයිරා, න නං [න තං (සි. 8.)] කයිරා පුනථපුනං;

න තම්හි ඡන්දං කයිරාථ, දුක්ඛො පාපස්ස උච්චයො.

118.

පුඤ්ඤඤ්ඤෙ පුරිසො කයිරා, කයිරා නං [කයිරාථෙතං (සී. ස්‍යා.),
කයිරාථෙතං (පී.)] පුනස්සුතං;
තම්හි ඡන්දං කයිරාථ, සුඛො පුඤ්ඤස්ස උච්චයො.

119.

පාපොපි පස්සති හද්‍රං, යාව පාපං න පච්චති;
යදා ච පච්චති පාපං, අථ පාපො පාපානි [අථ පාපානි (?)] පස්සති.

120.

හද්‍රොපි පස්සති පාපං, යාව හද්‍රං න පච්චති;
යදා ච පච්චති හද්‍රං, අථ හද්‍රො හද්‍රානි [අථ හද්‍රානි (?)] පස්සති.

121.

මාවමඤ්ඤෙථ [මාප්පමඤ්ඤෙථ (සී. ස්‍යා. පී.)] පාපස්ස, න මන්තං
[න මං තං (සී. පී.), න මන්තං (ස්‍යා.)] ආගමිස්සති;
උදබ්බන්දුනිපාතෙන, උදකුම්භොපි පුරති;
බාලො පුරති [පුරති බාලො (සී. ක.), ආපුරති බාලො (ස්‍යා.)]
පාපස්ස, ථොකං ථොකමිපි [ථොක ථොකමිපි (සී. පී.)] ආවිනං.

122.

මාවමඤ්ඤෙථ පුඤ්ඤස්ස, න මන්තං ආගමිස්සති;
උදබ්බන්දුනිපාතෙන, උදකුම්භොපි පුරති;
ධීරො පුරති පුඤ්ඤස්ස, ථොකං ථොකමිපි ආවිනං.

123.

වාණිජොව හයං මග්ගං, අප්පසත්ථො මහද්ධනො;
විසං ජීවිතුකාමොව, පාපානි පරිවජ්ජයෙ.

124.

පාණිමිහි ටෙ වණො නාස්ස, හරෙය්‍ය පාණිනා විසං;
නාබ්බණං විසමන්ථෙති, නත්ථි පාපං අකුබ්බතො.

125.

යො අප්පදුට්ඨස්ස නරස්ස දුස්සති, සුද්ධස්ස පොසස්ස අනඬිගණස්ස;
තමෙව බාලං පච්චෙති පාපං, සුබ්බමො රජො පටිවාතංව බිත්තො.

126.

ගබ්භමෙකෙ උප්පජ්ජන්ති, නිරයං පාපකම්මිනො;
සග්ගං සුගතිනො යන්ති, පරිනිබ්බන්ති අනාසවා.

127.

න අන්තලික්ඛෙ න සමුද්දමජ්ඣෙ, න පබ්බතානං විවරං පවිස්ස
[පවිසං (සා. .)];

න විජ්ජති [න විජ්ජති (ක. සී. පී. ක. .)] සො ජගතිජ්ජදෙසො,
යත්ථට්ඨිතො [යත්ථට්ඨිතො (සා. .)] මුච්චෙය්‍ය පාපකම්මා.

128.

න අන්තලික්ඛෙ න සමුද්දමජ්ඣෙ, න පබ්බතානං විවරං පවිස්ස;
න විජ්ජති සො ජගතිජ්ජදෙසො, යත්ථට්ඨිතං [යත්ථට්ඨිතං (සා. .)]
නජ්ජසහෙය්‍ය මච්චු.

පාපවග්ගො නවමො නිට්ඨිතො.

10. දණ්ඩවග්ගො

129.

සබ්බෙ තසන්ති දණ්ඩස්ස, සබ්බෙ භායන්ති මච්චුනො;
අත්තානං උපමං කත්වා, න භනෙය්‍ය න සාතයෙ.

130.

සබ්බෙ තසන්ති දණ්ඩස්ස, සබ්බෙසං ජීවිතං පියං;
අත්තානං උපමං කත්වා, න භනෙය්‍ය න සාතයෙ.

131.

සුඛකාමානි භූතානි, යො දණ්ඩෙත විහිංසති;
අත්තනො සුඛමෙසානො, පෙච්ච සො න ලභතෙ සුඛං.

132.

සුඛකාමානි භූතානි, යො දණ්ඩෙත න හිංසති;
අත්තනො සුඛමෙසානො, පෙච්ච සො ලභතෙ සුඛං.

133.

මාවොච ඵරුසං කඤ්චි, චුත්තා පට්ඨදෙය්‍යු තං [පට්ඨදෙය්‍යුං තං
(ක. .)];
දුක්ඛා හි සාරම්භකථා, පට්ඨණ්ඩා ඵුසෙය්‍යු තං [ඵුසෙය්‍යුං තං (ක. .)].

134.

සචෙ නෙරෙසි අත්තානං, කංසො උපහතො යථා;
එස පත්තොසි නිබ්බානං, සාරම්භො තෙ න විජ්ජති.

135.

යථා දණ්ඩෙත ගොපාලො, ගාවො පාෂෙති ගොචරං;
එවං ජරා ච මච්චු ච, ආයුං පාෂෙන්නි පාණිනං.

136.

අථ පාපානි කම්මානි, කරං බාලො න බුජ්ඣති;
සෙහි කම්මෙහි දුම්මෙධො, අග්ගිද්ධිසොව තජ්ජති.

137.

යො දණ්ඨෙවන අදණ්ඨෙසු, අප්පදුට්ඨෙසු දුස්සති;
දසන්නමඤ්ඤතරං යානං, බිජ්ජමෙව නිගච්ඡති.

138.

වෙදනං ඵරුසං ජානිං, සරිරස්ස ච හෙදනං [සරිරස්ස පහෙදනං
(සා.)];
ගරුකං වාපි ආබාධං, විත්තක්ඛෙපඤ්ච [විත්තක්ඛෙපං ච (සි. සා. පි.)]
පාපුණෙ.

139.

රාජතො වා උපසග්ගං [උපසග්ගං (සි. පි.)], අබ්භක්ඛානඤ්ච
[අබ්භක්ඛානං ච (සි. පි.)] දාරුණං;
පරික්ඛයඤ්ච [පරික්ඛයං ච (සි. සා. පි.)] ඤාතීනං, භොගානඤ්ච
[භොගානං ච (සි. සා. පි.)] පහඬිගුරං [පහඬිගුනං (ක.)].

140.

අථ වාස්ස අගාරානි, අග්ගි ඩහති [ඩය්හති (ක.)] පාවකො;
කායස්ස හෙදා දුජ්ජඤ්ඤො, නිරයං සොපපජ්ජති [සො උපපජ්ජති
(සි. සා.)].

141.

න නග්ගවරියා න ජටා න පඬිකා, නානාසකා ථණ්ඩිලසායිකා වා;
රජොජල්ලං උක්ඛුට්ඨප්පධානං, සොධෙන්නි මච්චං
අවිතිණ්ණකඬ්ඛං.

142.

අලඬිකතො වෙපි සමං වරෙය්‍ය, සන්නො දන්නො නියතො
බ්‍රහ්මචාරී;
සබ්බෙසු භූතෙසු නිධාය දණ්ඨං, සො බ්‍රාහ්මණො සො සමණො ස
හික්ඛු.

143.

හිරිනිසෙධො පුරිසො, කොචි ලොකස්මි විජ්ජති;
යො නිද්දං [නිද්දං (සි. පි.) සං. නි. 1.18] අපබොධෙති [අපබොධති
(සි. සා. පි.)], අස්සො භද්‍රො කසාමිව.

144.

අස්සො යථා භද්‍රා කසානිවිට්ඨො, ආතාපිනො සංවෙගිනො භවාථ;
සද්ධාය සිලෙන ච වීරියෙන ච, සමාධිනා ධම්මචිනිච්ඡයෙන ච;
සම්පන්නවිජ්ජාවරණා පතිස්සතා, ජහිස්සථ [පහස්සථ (සි. සා. පි.)]
දුක්ඛමිදං අනප්පකං.

145.

උදකඤ්ඞි නයන්ති නෙත්තිකා, උසුකාරා නමයන්ති තෙජනං;
දාරුං නමයන්ති තච්ඡකා, අත්තානං දමයන්ති සුඛිකතා.

දණ්ඩවග්ගො දසමො නිට්ඨිතො.

11. ජරාවග්ගො

146.

කො නු භාසො [කින්නු භාසො (ක.)] කිමානන්දො, නිච්චං
පජ්ජලිතෙ සති;
අන්ධකාරෙන ඔනද්ධා, පදීපං න ගවෙසථ.

147.

පස්ස විත්තකතං බිම්බං, අරුකායං සමුස්සිතං;
ආතුරං බහුසඬ්ඤජපං, යස්ස නත්ථි ධුවං යිති.

148.

පරිජිණ්ණමිදං රූපං, රොගනීළං [රොගනිඬ්ඪං (සි. පි.), රොගනිද්ධං
(සා.)] පහඬ්ගුරං;
භිජ්ජති පුතිසන්දෙහො, මරණන්තඤ්ඞි ජීවිතං.

149.

යානිමානි අපත්ථානි [යානිමානි අපත්ථානි (සි. සා. පි.),
යානිමානි'පවිද්ධානි (?)], අලාඬුනෙව [අලාපුනෙව (සි. සා. පි.)]
සාරදෙ;
කාපොතකානි අට්ඨිති, තානි දිස්වාන කා රති.

150.

අට්ඨිතං නගරං කතං, මංසලොහිතලෙපනං;
යත්ථ ජරා ච මච්චු ච, මානො මක්ඛො ච ඔහිතො.

151.

ජීරන්ති වෙ රාජරථා සුවිත්තා, අථො සරීරමිපි ජරං උපෙති;
සතඤ්ච ධම්මො න ජරං උපෙති, සන්තො භවෙ සබ්භි පවෙදයන්ති.

152.

අප්පස්සුතායං පුරිසො, බලිබද්ධොව [බලිවද්දොව (සී. සා. පී.)]
ජීරති;
මංසානි තස්ස වඩ්ඪන්ති, පඤ්ඤා තස්ස න වඩ්ඪති.

153.

අනෙකජාතිසංසාරං, සන්ධාවිස්සං අනිබ්බිසං;
ගහකාරං [ගහකාරකං (සී. සා. පී.)] ගවෙසන්තො, දුක්ඛා ජාති
පුනස්සුතං.

154.

ගහකාරක දිට්ඨොසි, පුන ගෙහං න කාහසි;
සබ්බො තෙ ඵාසුකා හග්ගා, ගහකුටං විසඬිතං;
විසඬිඛාරගතං චිත්තං, තණ්හානං බයමජ්ඣගා.

155.

අවරිත්වා බ්‍රහ්මවරියං, අලද්ධා යොබ්බතො ධනං;
ජිණ්ණකොඤ්චාව ක්කායන්ති, බිණ්ණමච්ඡෙව පල්ලලෙ.

156.

අවරිත්වා බ්‍රහ්මවරියං, අලද්ධා යොබ්බතො ධනං;
සෙත්ති වාපාතිබිණාව, පුරාණානි අනුත්ථුතං.

ජරාවග්ගො ඵකාදසමො නිට්ඨිතො.

12. අත්තවග්ගො

157.

අත්තානඤ්චෙ පියං ජඤ්ඤා, රක්ඛෙය්‍ය නං සුරක්ඛිතං;
තිණ්ණං අඤ්ඤතරං යාමං, පටිජග්ගෙය්‍ය පණ්ඩිතො.

158.

අත්තානමෙව පයමං, පතිරූපෙ නිවෙසයෙ;
අඵඤ්ඤමනුසාසෙය්‍ය, න කිලිස්සෙය්‍ය පණ්ඩිතො.

159.

අත්තානං වෙ තථා කගිරා, යථාඤ්ඤමනුසාසති;
සුදන්තො වත දමෙථ, අත්තා හි කිර දුද්දමො.

160.

අත්තා හි අත්තතො නාථො, කො හි නාථො පරො සියා;
අත්තනා හි සුදන්තෙන, නාථං ලහති දුල්ලහං.

161.

අත්තනා හි කතං පාපං, අත්තජං අත්තසම්භවං;
අභිමත්ථති [අභිමත්තති (සි. පී.)] දුම්මෙධං, වජිරං වස්මමයං
[වජිරංව'ම්භමයං (සා. ක.)] මණිං.

162.

යස්ස අච්චන්තදුස්සිලාං, මාලුවා සාලම්චොත්ථනං;
කරොති සො තථත්තානං, යථා නං ඉච්ඡති දිසො.

163.

සුකරානි අසාධුනි, අත්තනො අභිතානි ව;
යං වෙ හිතඤ්ච සාධුඤ්ච, තං වෙ පරමදුක්කරං.

164.

යො සාසනං අරහතං, අරියානං ධම්මජීවිනං;
පටික්කොසති දුම්මෙධො, දිට්ඨිං නිස්සාය පාපිකං;
ඵලානි කට්ඨකස්සෙව, අත්තසාතාය [අත්තසඤ්ඤාය (සි. සා. පී.)]
ඵල්ලති.

165.

අත්තනා හි [අත්තනාව (සි. සා. පී.)] කතං පාපං, අත්තනා
සංකිලිස්සති;
අත්තනා අකතං පාපං, අත්තනාව විසුජ්ඣති;
සුද්ධි අසුද්ධි පච්චත්තං, නාඤ්ඤො අඤ්ඤං [නාඤ්ඤමඤ්ඤො(සි.)]
විසොධයෙ.

166.

අත්තදත්ථං පරත්ථෙත, බහුනාපි න භාපයෙ;
අත්තදත්ථමභිඤ්ඤාය, සදත්ථපසුතො සියා.

අත්තවග්ගො ද්වාදසමො නිට්ඨිතො.

13. ලොකවග්ගො

167.

භීතං ධම්මං න සෙවෙයා, පමාදෙන න සංවසෙ;
මිච්ඡාදිට්ඨිං න සෙවෙයා, න සියා ලොකවච්ඡිනො.

168.

උත්තිට්ඨෙය නස්සමජ්ජෙයා, ධම්මං සුවරිතං වරෙ;
ධම්මචාරි සුඛං සෙති, අස්මිං ලොකෙ පරමිහි ව.

169.

ධම්මං වරෙ සුවරිතං, න නං දුච්චරිතං වරෙ;

ධම්මචාරී සුඛං සෙති, අස්මිං ලොකෙ පරමිහි ව.

170.

යථා පුබ්බුළකං [පුබ්බුළකං (සි. 3.)] පස්සෙ, යථා පස්සෙ මරිචිකං;
එවං ලොකං අවෙක්ඛන්තං, මච්චුරාජා න පස්සති.

171.

එථ පස්සපීමං ලොකං, චිත්තං රාජරජ්ජපමං;
යත්ථ බාලා විසිදන්ති, නත්ථි සඬගො විජානතං.

172.

යො ව පුබ්බෙ පමජ්ජිත්වා, පච්ඡා සො නප්පමජ්ජති;
සොමං ලොකං පභාසෙති, අබ්භා මුත්තොව චන්දිමා.

173.

යස්ස පාපං කතං කම්මං, කුසලෙන පිටියති [පිතියති (සි. සා. 3.)];
සොමං ලොකං පභාසෙති, අබ්භා මුත්තොව චන්දිමා.

174.

අන්ධභූතො [අන්ධිභූතො (ක.)] අයං ලොකො, තනුකෙත්ථ
විපස්සති;
සකුණො ජාලමුත්තොව, අප්පො සග්ගාය ගච්ඡති.

175.

භංසාදිච්චපථෙ යන්ති, ආකාසෙ යන්ති ඉද්ධියා;
නියන්ති ධීරා ලොකමිහා, ජෙත්වා මාරං සවාහිනිං [සවාහනං (සා. ක.)].

176.

එකං ධම්මං අතීතස්ස, මුසාවාදිස්ස ජන්තුතො;
විතිණ්ණපරලොකස්ස, නත්ථි පාපං අකාරියං.

177.

න වෙ කදරියා දෙවලොකං වජන්ති, බාලා භවෙ නප්පසංසන්ති
දානං;
ධීරො ව දානං අනුමොදමානො, තෙනෙව සො හොති සුඛී පරත්ථ.

178.

පථබ්බා එකරජ්ජෙන, සග්ගස්ස ගමනෙන වා;
සබ්බලොකාධිපච්චෙන, සොතාපත්තිඵලං වරං.

ලොකවග්ගො තෙරසමො නිට්ඨිතො.

14. බුද්ධවග්ගො

179.

යස්ස ජිනං නාවජියති, ජිනං යස්ස [ජිනමස්ස (සි. සා. පි.), ජිනං මස්ස (ක.)] නො යාති කොච්ච ලොකෙ;
තං බුද්ධමනන්තගොචරං, අපදං කෙන පදෙන නෙස්සථ.

180.

යස්ස ජාලිනී විසත්තිකා, තණ්හා නත්ථි කුහිඤ්චි නෙතවෙ;
තං බුද්ධමනන්තගොචරං, අපදං කෙන පදෙන නෙස්සථ.

181.

යෙ ඤානපසුතා ධීරා, නෙක්ඛම්මුපසමෙ රතා;
දෙවාපි තෙසං පිභයන්ති, සම්බුද්ධානං සතීමනං.

182.

කිච්ඡො මනුස්සපට්ඨාහො, කිච්ඡං මච්චාන ජීවිතං;
කිච්ඡං සද්ධම්මස්සවනං, කිච්ඡො බුද්ධානමුප්පාදො.

183.

සබ්බපාපස්ස අකරණං, කුසලස්ස උපසම්පදා [කුසලස්සුපසම්පදා (සා. .)];
සචිත්තපරියොදපනං [සචිත්තපරියොදාපනං (?)], එතං බුද්ධාන සාසනං.

184.

බන්තී පරමං තපො තිතික්ඛා, නිබ්බානං [නිබ්බාණං (ක. සි. පි.)]
පරමං වදන්ති බුද්ධා;
න හි පබ්බජිතො පරුපසාතී, න [අයං නකාරො සි. සා. පි. පාත්ථකෙසු න දිස්සති] සමණො හොති පරං විහෙයියන්තො.

185.

අනුපවාදො අනුපසාතො [අනුපවාදො අනුපසාතො (සා. ක.)],
පාතිමොක්ඛෙ ච සංවරො;
මත්තඤ්ඤතා ච භත්තස්මිං, පන්තඤ්ච සයනාසනං;
අධිචිත්තෙ ච ආයොගො, එතං බුද්ධාන සාසනං.

186.

න කභාපණවස්සෙන, තිත්ති කාමෙසු විජ්ජති;
අප්පස්සාදා දුඛා කාමා, ඉති විඤ්ඤාය පණ්ඩිතො.

187.

අපි දිබ්බෙසු කාමෙසු, රතිං සො නාධිගච්ඡති;

තණ්හක්ඛයරතො හොති, සම්මාසම්බුද්ධසාවකො.

188.

බහුං වෙ සරණං යන්ති, පබ්බතානි චනානි ච;
ආරාමරුක්ඛවෙනානි, මනුස්සා භයතජ්ජිතා.

189.

නෙතං බො සරණං බෙමං, නෙතං සරණමුත්තමං;
නෙතං සරණමාගම්ම, සබ්බදුක්ඛා පමුවචති.

190.

යො ච බුද්ධඤ්ච ධම්මඤ්ච, සඬ්ඝඤ්ච සරණං ගතො;
චත්තාරි අරියසච්චානි, සම්මජ්ජඤ්ඤාය පස්සති.

191.

දුක්ඛං දුක්ඛසමුප්පාදං, දුක්ඛස්ස ච අතික්කමං;
අරියං චට්ඨච්ඡිගිකං මග්ගං, දුක්ඛුපසමගාමිනං.

192.

එතං බො සරණං බෙමං, එතං සරණමුත්තමං;
එතං සරණමාගම්ම, සබ්බදුක්ඛා පමුවචති.

193.

දුල්ලහො පුරිසාජඤ්ඤො, න සො සබ්බත්ථ ඡායති;
යත්ථ සො ඡායති ධීරො, තං කුලං සුබමෙධති.

194.

සුඛො බුද්ධානමුප්පාදො, සුඛා සද්ධම්මදෙසනා;
සුඛා සඬ්ඝස්ස සාමග්ගී, සමග්ගානං තපො සුඛො.

195.

පුජාරහෙ පුජයතො, බුද්ධෙ යදි ච සාවකෙ;
පපඤ්චසමතික්කන්තෙ, තිණ්ණසොකපරිද්දවෙ.

196.

තෙ තාදිසෙ පුජයතො, නිබ්බුතෙ අකුතොභයෙ;
න සක්කා පුඤ්ඤං සඬ්ඛාතුං, ඉමෙත්තමපි කෙනචි.

බුද්ධවග්ගො වුද්දසමො නිට්ඨිතො.

15. සුඛවග්ගො

197.

සුසුඛං වත ජීවාම, වෙරිනෙසු අවෙරිනො;
වෙරිනෙසු මනුස්සෙසු, විහරාම අවෙරිනො.

198.

සුසුඛං වත ජීවාම, ආතුරෙසු අනාතුරා;
ආතුරෙසු මනුස්සෙසු, විහරාම අනාතුරා.

199.

සුසුඛං වත ජීවාම, උස්සුකෙසු අනුස්සුකා;
උස්සුකෙසු මනස්සෙසු, විහරාම අනුස්සුකා.

200.

සුසුඛං වත ජීවාම, යෙසං නො නත්ථි කිඤ්චනං;
පිතිහක්ඛා භවිස්සාම, දෙවා ආභස්සරා යථා.

201.

ජයං වෙරං පසවති, දුක්ඛං සෙති පරාජිනො;
උපසන්තො සුඛං සෙති, භිත්වා ජයපරාජයං.

202.

නත්ථි රාගසමො අග්ගි, නත්ථි දොසසමො කලී;
නත්ථි ඛන්ධසමා [ඛන්ධාදිසා (සි. සා. පි. රූපසිද්ධියා සමෙති)]
දුක්ඛා, නත්ථි සන්තිපරං සුඛං.

203.

ජීසව්ඡාපරමා රොගා, සඬ්ඛාරපරමා [සඬ්ඛාරා පරමා (බහුසු)] දුඛා;
එතං ඤාත්වා යථාභූතං, නිබ්බානං පරමං සුඛං.

204.

ආරොග්‍යපරමා ලාභා, සන්තුට්ඨිපරමං ධනං;
විස්සාසපරමා ඤාති [විස්සාසපරමො ඤාති (ක. සි.), විස්සාසපරමා
ඤාති (සි. අට්ඨ.), විස්සාසා පරමා ඤාති (ක.)], නිබ්බානං පරමං
[නිබ්බාණපරමං (ක. සි.)] සුඛං.

205.

පව්වෙකරසං පිත්වා [පිත්වා (සි. සා. කං. පි.)], රසං උපසමස්ස ව;
නිද්දරො හොති නිප්පාපො, ධම්මපිතිරසං පිචං.

206.

සාහු දස්සනමරියානං, සන්තිවාසො සදා සුඛො;
අදස්සනෙන බාලානං, නිව්වමෙව සුඛි සියා.

207.

බාලසඬුගතවාරී [බාලසඬුගතවාරී (ක.)] හි, දීඝමද්ධාන සොවති;
දුක්ඛො බාලෙහි සංවාසො, අමිත්තෙනෙව සබ්බදා;
ධීරො ච සුඛසංවාසො, ඤාතීනංව සමාගමො.

208.

තස්මා හි –
ධීරඤ්ච පඤ්ඤඤච බහුස්සුතඤ්ච, ධොරය්හසීලං චතවත්තමරියං;
තං තාදිසං සප්පුරිසං සුමෙධං, භජෙථ නක්ඛත්තපථංව චන්දිමා
[තස්මා හි ධීරං පඤ්ඤඤච, බහුස්සුතඤ්ච ධොරය්හං; සීලං
ධුතවත්තමරියං, තං තාදිසං සප්පුරිසං; සුමෙධං භජෙථ නක්ඛත්තපථංව
චන්දිමා; (ක.)].

සුඛවග්ගො පන්තරසමො නිට්ඨිතො.

16. පියවග්ගො

209.

අයොගෙ යුඤ්ජමත්තානං, යොගස්මිඤ්ච අයොජයං;
අත්ථං හිත්වා පියග්ගාහී, පිහෙතත්තානුයොගීනං.

210.

මා පියෙහි සමාගඤ්ජී, අප්පියෙහි කුදාවනං;
පියානං අදස්සනං දුක්ඛං, අප්පියානඤ්ච දස්සනං.

211.

තස්මා පියං න කඨිරාථ, පියාපායො හි පාපකො;
ගත්ථා තෙසං න විජ්ජන්ති, යෙසං නත්ථි පියාජ්ජියං.

212.

පියතො ජායතී සොකො, පියතො ජායතී [ජායතෙ (ක.)] භයං;
පියතො විජ්ජමුත්තස්ස, නත්ථි සොකො කුතො භයං.

213.

පෙමතො ජායතී සොකො, පෙමතො ජායතී භයං;
පෙමතො විජ්ජමුත්තස්ස, නත්ථි සොකො කුතො භයං.

214.

රතියා ජායතී සොකො, රතියා ජායතී භයං;
රතියා විජ්ජමුත්තස්ස, නත්ථි සොකො කුතො භයං.

215.

කාමතො ජායතී සොකො, කාමතො ජායතී භයං;

කාමතො විජ්ජමුත්තස්ස, නත්ථි සොකො කුතො භයං.

216.

තණ්හාය ජායති [ජායතෙ (ක.)] සොකො, තණ්හාය ජායති භයං;
තණ්හාය විජ්ජමුත්තස්ස, නත්ථි සොකො කුතො භයං.

217.

සීලදස්සනසම්පන්නං, ධම්මට්ඨං සච්චවෙදිනං;
අත්තනො කම්ම කුබ්බානං, තං ජනො කුරුතෙ පියං.

218.

ජන්දජාතො අනක්ඛාතෙ, මනසා ච ඵ්ථො සියා;
කාමෙසු ච අජ්ජට්ඨද්ධවිත්තො [අජ්ජට්ඨන්ධවිත්තො (ක.)],
උද්ධංසොතොති වුව්චති.

219.

වීරජ්ජවාසිං පුරිසං, දුරතො සොත්ථිමාගතං;
ඤාතිමිත්තා සුභජ්ජා ච, අභිනන්දන්ති ආගතං.

220.

තථෙව කතපුඤ්ඤමිපි, අස්මා ලොකා පරං ගතං;
පුඤ්ඤාති පටිගණ්හන්ති, පියං ඤාතීච ආගතං.

පියවග්ගො සොළසමො නිට්ඨිතො.

17. කොධවග්ගො

221.

කොධං ජහෙ විජ්ජජහෙය්‍ය මානං, සංයොජනං සබ්බමතික්කමෙය්‍ය;
තං නාමරූපස්මිමසජ්ජමානං, අකිඤ්චනං නානුපතන්ති දුක්ඛා.

222.

යො වෙ උජ්ජතිතං කොධං, රථං හන්තංච වාරයෙ [ධාරයෙ (සි. ස්‍යා. 8.)];
තමහං සාරථිං බුමි, රස්මිග්ගාහො ඉතරො ජනො.

223.

අක්කොධෙන ජිනෙ කොධං, අසාධුං සාධුනා ජිනෙ;
ජිනෙ කදරියං දානෙන, සච්චෙනාලිකවාදිනං.

224.

සච්චං හණ්ණ න කුජ්ඣෙය්‍ය, දජ්ජා අජ්ජමිපි [දජ්ජා'ජ්ජස්මිමිපි (සි. 8.), දජ්ජා අජ්ජස්මි (ස්‍යා. ක.)] යාවිතො;

එතෙහි තීහි යානෙහි, ගච්ඡෙ දෙවන සන්තිකෙ.

225.

අහිංසකා යෙ මුනායො [අහිංසකායා මුනායො (ක.)], නිව්චං කායෙන සංවුතා;
තෙ යන්ති අව්චුතං යානං, යත්ථ ගන්ත්වා න සොචරෙ.

226.

සදා ජාගරමානානං, අභොරත්තානුසික්ඛිනං;
නිබ්බානං අධිමුත්තානං, අත්ථං ගච්ඡන්ති ආසවා.

227.

පොරාණමෙතං අතුලං, නෙතං අජ්ජතනාමිව;
නින්දන්ති තුණ්හිමාසිනං, නින්දන්ති බහුභාණිනං;
මිතභාණිමපි නින්දන්ති, නත්ථි ලොකෙ අනින්දිතො.

228.

න වාහු න ච භවිස්සති, න චෙතරහි විජ්ජති;
එකන්තං නින්දිතො පොසො, එකන්තං වා පසංසිතො.

229.

යං වෙ විඤ්ඤු පසංසන්ති, අනුච්චිච සුචෙ සුචෙ;
අව්ඡිද්දවුත්තිං [අව්ඡින්නවුත්තිං (ක.)] මෙධාවිං,
පඤ්ඤාසිලසමාහිතං.

230.

නික්ඛං [නෙක්ඛං (සි. සා. පි.)] ජම්බොනදස්සෙව, කො තං
නින්දිතුමරහති;
දෙවාපි නං පසංසන්ති, බුහ්මුනාපි පසංසිතො.

231.

කායජ්ජකොපං රක්ඛෙය්‍ය, කායෙන සංවුතො සියා;
කායදුච්චරිතං හිත්වා, කායෙන සුවරිතං චරෙ.

232.

චච්ඡකොපං රක්ඛෙය්‍ය, වාචාය සංවුතො සියා;
චච්ඡච්චරිතං හිත්වා, වාචාය සුවරිතං චරෙ.

233.

මනොපකොපං රක්ඛෙය්‍ය, මනසා සංවුතො සියා;
මනොදුච්චරිතං හිත්වා, මනසා සුවරිතං චරෙ.

234.

කායෙන සංවුතා ධීරා, අථො වාචාය සංවුතා;
මනසා සංවුතා ධීරා, තෙ වෙ සුපරිසංවුතා.

කොධවග්ගො සත්තරසමො නිට්ඨිතො.

18. මලවග්ගො

235.

පණ්ඩුපලාසොව දානිසි, යමපුරිසාපි ච තෙ [තං (සි. සා. කං. පි.)]
උපට්ඨිතා;
උයොගගුට්ඨො ච තිට්ඨසි, පාථෙය්‍යමිති ච තෙ න විජ්ජති.

236.

සො කරොහි දීපමත්තනො, බිජ්ජං වායම පණ්ඩිතො භව;
නිද්ධන්තමලො අනඬගණො, දිබ්බං අරියභූමිං උපෙහිසි [දිබ්බං
අරියභූමිමෙහිසි (සි. සා. පි.), දිබ්බමරියභූමිං උපෙහිසි (?)].

237.

උපනීතවයො ච දානිසි, සම්පයානොසි යමස්ස සන්තිකෙ;
වාසො [වාසොපි ච (බහුසු)] තෙ නත්ථි අන්තරා, පාථෙය්‍යමිති ච තෙ
න විජ්ජති.

238.

සො කරොහි දීපමත්තනො, බිජ්ජං වායම පණ්ඩිතො භව;
නිද්ධන්තමලො අනඬගණො, න පුනං ජාතිජරං [න පුන ජාතිජරං
(සි. සා.), න පුන ජාතිජරං (ක.)] උපෙහිසි.

239.

අනුපුබ්බෙන මෙධාවී, ථොකං ථොකං බණ්ණ බණ්ණ;
කම්මාරො රජතස්සෙව, නිද්ධමෙ මලමත්තනො.

240.

අයසාව මලං සමුට්ඨිතං [සමුට්ඨාය (ක.)], තතුට්ඨාය [තදුට්ඨාය (සි.
සා. පි.)] තමෙව බාදති;
එවං අතිධොනවාරිනං, සානි කම්මානි [සකකම්මානි (සි. පි.)]
නයන්ති දුග්ගතිං.

241.

අසජ්ඣායමලා මන්තා, අනුට්ඨානමලා සරා;
මලං වණ්ණස්ස කොසජ්ජං, පමාදො රක්ඛතො මලං.

242.

මලිත්ථියා දුච්චරිතං, මච්ඡෙරං දදතො මලං;
මලා වෙ පාපකා ධම්මා, අස්මිං ලොකෙ පරමිහි ව.

243.

තතො මලා මලතරං, අවිජ්ජා පරමං මලං;
එතං මලං පහන්ත්වාන, නිම්මලා හොථ භික්ඛවො.

244.

සුඡීවං අභිරිකෙන, කාකසුරෙන ධංසිනා;
පක්ඛන්දිනා පගඛිහෙන, සංකිලිට්ඨෙන ජීවිතං.

245.

හිරිමතා ව දුජ්ජීවං, නිච්චං සුචිගවෙසිනා;
අලිනෙනාප්පගඛිහෙන, සුද්ධාජීවෙන පස්සතා.

246.

යො පාණමතිපාතෙති, මුසාවාදඤ්ච භාසති;
ලොකෙ අදින්නමාදියති, පරදාරඤ්ච ගච්ඡති.

247.

සුරාමෙරයපානඤ්ච, යො නරො අනුයුඤ්ජති;
ඉධෙවමෙසො ලොකස්මිං, මූලං ඛණති අත්තනො.

248.

එවං හො පුරිස ජානාහි, පාපධම්මා අසඤ්ඤතා;
මා තං ලොහො අධම්මො ව, චිරං දුක්ඛාය රත්ඨයුං.

249.

දදාති වෙ යථාසද්ධං, යථාපසාදනං [යත්ථ පසාදනං (කත්ථවි)]
ජනො;
තත්ථ යො මඬිකු භවති [තත්ථ වෙ මංකු යො හොති (සී.), තත්ථ
යො මඬිකුතො හොති (සා.)], පරෙසං පානහොජනෙ;
න සො දිවා වා රත්තිං වා, සමාධිමධිගච්ඡති.

250.

යස්ස වෙතං සමුච්ඡින්නං, මූලසච්චං [මූලසච්ඡං (ක.)] සමුහතං;
ස වෙ දිවා වා රත්තිං වා, සමාධිමධිගච්ඡති.

251.

නත්ථි රාගසමො අග්ගි, නත්ථි දොසසමො ගහො;
නත්ථි මොහසමං ජාලං, නත්ථි තණ්හාසමා නදී.

252.

සුදස්සං වජ්ජමඤ්ඤෙසං, අත්තනො පන දුද්දසං;
පරෙසං හි සො වජ්ජනී, ඔපුනාති [ඔපුනාති (ක.)] යථා භුසං;
අත්තනො පන ඡාදෙති, කලිංච කිත්වා සයො.

253.

පරවජ්ජානුපස්සිස්ස, නිච්චං උජ්ඣානසඤ්ඤිතො;
ආසවා තස්ස වඬ්ඨන්ති, ආරා සො ආසවක්ඛයො.

254.

ආකාසෙව පදං නත්ථි, සමණො නත්ථි බාහිරෙ;
පපඤ්චාභිරතා පජා, නිජ්ජපඤ්චා තථාගතා.

255.

ආකාසෙව පදං නත්ථි, සමණො නත්ථි බාහිරෙ;
සඬ්ඛාරා සස්සතා නත්ථි, නත්ථි බුද්ධානම්ඤ්ජිතං.

මලවග්ගො අට්ඨාරසමො නිට්ඨිතො.

19. ධම්මට්ඨවග්ගො

256.

න තෙන භොති ධම්මට්ඨො, යෙනත්ථං සාහසා [සහසා (සී. සා. ක.)] නයෙ;
යො ච අත්ථං අනත්ථඤ්ච, උභො නිච්ඡෙය්‍ය පණ්ඨිතො.

257.

අසාහසෙන ධම්මෙන, සමෙන නයති පරෙ;
ධම්මස්ස ගුත්තො මෙධාට්ඨි, “ධම්මට්ඨො”ති පවුච්චති.

258.

න තෙන පණ්ඨිතො භොති, යාවතා බහු භාසති;
බෙමි අවෙරි අභයො, “පණ්ඨිතො”ති පවුච්චති.

259.

න තාවතා ධම්මධරො, යාවතා බහු භාසති;
යො ච අජ්ජමපි සුත්වාන, ධම්මං කායෙන පස්සති;
ස වෙ ධම්මධරො භොති, යො ධම්මං නජ්ජමජ්ජති.

260.

න තෙන ථෙරො සො භොති [ථෙරො භොති (සී. සා.)], යෙනස්ස
පලිතං සිරො;
පරිපක්කො වයො තස්ස, “මොඝජ්ඣණො”ති වුච්චති.

261.

යම්හි සච්චඤ්ච ධම්මො ච, අහිංසා සංයමො දමො;
ස චෙ වන්තමලො ධීරො, “ථෙරො” ඉති [සො ථෙරොති (සා. ක.)] පවුච්චති.

262.

න වාක්කරණමත්තෙන, වණ්ණපොක්ඛරතාය වා;
සාධුරූපො නරො හොති, ඉස්සුකී මච්ඡරී සයො.

263.

යස්ස චෙතං සමුච්ඡින්නං, මූලසච්චං සමුහතං;
ස වන්තදොසො මෙධාවී, “සාධුරූපො”ති වුච්චති.

264.

න මුණ්ඩකෙන සමණො, අබ්බතො අලිකං හණං;
ඉච්ඡාලොභසමාපන්නො, සමණො කිං හවිස්සති.

265.

යො ච සමෙති පාපානි, අණුං ථුලානි සබ්බසො;
සමිත්තා හි පාපානං, “සමණො”ති පවුච්චති.

266.

න තෙන භික්ඛු සො හොති, යාවතා භික්ඛතෙ පරෙ;
විස්සං ධම්මං සමාදාය, භික්ඛු හොති න තාවතා.

267.

යොධ පුඤ්ඤඤ්ච පාපඤ්ච, බාහෙත්වා බ්‍රහ්මචරියවා [බ්‍රහ්මචරියං (ක.)];
සඬ්ඛාය ලොකෙ චරති, ස චෙ “භික්ඛු”ති වුච්චති.

268.

න මොනෙන මුනී හොති, මුළ්භරූපො අවිද්දසු;
යො ච තුලංච පග්ගස්භ, වරමාදාය පණ්ඩිතො.

269.

පාපානි පරිවජ්ජෙති, ස මුනී තෙන සො මුනි;
යො මුනාති උහො ලොකෙ, “මුනි” තෙන පවුච්චති.

270.

න තෙන අරියො හොති, යෙන පාණානි හිංසති;
අහිංසා සබ්බපාණානං, “අරියො”ති පවුච්චති.

271.

න සීලබ්බතමත්තෙන, බාහුසච්චෙන වා පන;
අථ වා සමාධිලාභෙන, විචිත්තසයනෙන වා.

272.

ඵසාමි නෙක්ඛම්මසුඛං, අපුපුඡ්ඡනසෙවිතං;
හික්ඛු විස්සාසමාපාදි, අප්පත්තො ආසවක්ඛයං.

ධම්මට්ඨවග්ගො එකුනවිසතිමො නිට්ඨිතො.

20. මග්ගවග්ගො

273.

මග්ගානට්ඨචිගිකො සෙට්ඨො, සච්චානං චතුරො පදා;
විරාගො සෙට්ඨො ධම්මානං, ද්විපදානඤ්ච චක්ඛුමා.

274.

එසෙව [එසෙව (සි. පි.)] මග්ගො නත්ථඤ්ඤො, දස්සනස්ස
විසුද්ධියා;
එතඤ්ඤි තුම්හෙ පටිපජ්ජථ, මාරස්සෙතං පමොහනං.

275.

එතඤ්ඤි තුම්හෙ පටිපන්නා, දුක්ඛස්සන්තං කරිස්සථ;
අක්ඛාතො වො [අක්ඛාතො වෙ (සි. පි.)] මයා මග්ගො, අඤ්ඤාය
සල්ලකන්තනං [සල්ලසන්ථනං (සි. පි.), සල්ලසන්ථනං (සා. පි.)].

276.

තුම්හෙහි කිච්චමානජ්ජං, අක්ඛාතාරො තථාගතා;
පටිපන්නා පමොක්ඛන්ති, කුමාරිනො මාරබන්ධනා.

277.

“සබ්බෙ සච්චාරා අනිච්චා”ති, යදා පඤ්ඤාය පස්සති;
අථ නිබ්බින්නදති දුක්ඛෙ, එස මග්ගො විසුද්ධියා.

278.

“සබ්බෙ සච්චාරා දුක්ඛා”ති, යදා පඤ්ඤාය පස්සති;
අථ නිබ්බින්නදති දුක්ඛෙ, එස මග්ගො විසුද්ධියා.

279.

“සබ්බෙ ධම්මා අනත්තා”ති, යදා පඤ්ඤාය පස්සති;
අථ නිබ්බින්නදති දුක්ඛෙ, එස මග්ගො විසුද්ධියා.

280.

උට්ඨානකාලමිහි අනුට්ඨභානො, යුචා බලී ආලසියං උපෙතො;
සංසන්තසඬකප්පමනො [අසම්පන්නසඬකප්පමනො (ක.)]
කුසිතො, පඤ්ඤාය මග්ගං අලසො න වින්දති.

281.

වාචානුරක්ඛි මනසා සුසංවුතො, කායෙන ච නාකුසලං කසිරා
[අකුසලං න කසිරා (සි. සා. කං. පි.)];
එතෙ තයො කම්මපථෙ විසොධයෙ, ආරාධයෙ මග්ගමිසිප්පවෙදිතං.

282.

යොගා වෙ ජායති [ජායතෙ (කත්ථවි)] භූරි, අයොගා භූරිසඬබයො;
එතං ද්වෙධාපථං ඤත්වා, භවාය විභවාය ව;
තථාත්තානං නිවෙසෙය්‍ය, යථා භූරි පවඬ්ඪති.

283.

වනං ඡින්නදථ මා රුක්ඛං, වනතො ජායතෙ භයං;
ජෙත්වා වනඤ්ච වනථඤ්ච, නිබ්බතා හොථ භික්ඛවො.

284.

යාව හි වනථො න ඡිජ්ජති, අණුමත්තොපි නරස්ස නාරිසු;
පට්ඨෙද්ධමනොව [පට්ඨන්ධමනොව (ක.)] තාව සො, වච්ඡො
බීරපකොව [බීරපානොව (පි.)] මාතරි.

285.

උච්ඡින්නද සිනෙහමත්තතො කුමුදං සාරදිකංව [පාණිනා];
සන්නිමග්ගමෙව බුහය, නිබ්බානං සුගතෙන දෙසිතං.

286.

ඉධ වස්සං වසිස්සාමි, ඉධ හෙමන්තගිම්හිසු;
ඉති බාලො විචිත්තෙති, අන්තරායං න බුජ්ඣති.

287.

තං පුත්තපසුසම්මත්තං, බ්‍යාසත්තමනසං නරං;
සුත්තං ගාමං මහොසොව, මච්චු ආදාය ගච්ඡති.

288.

න සන්ති පුත්තා තාණාය, න පිතා නාපි බන්ධවා;
අන්තකෙනාධිපන්නස්ස, නත්ථි ඤාතිසු තාණතා.

289.

එතමත්ථවසං ඤත්වා, පණ්ඩිතො සීලසංවුතො;
නිබ්බානගමනං මග්ගං, බිජ්ජමෙව විසොධයෙ.

21. පකිණ්ණකවග්ගො

290.

මත්තාසුඛපරිච්චාගා, පස්සෙ වෙ විපුලං සුඛං;
වජෙ මත්තාසුඛං ධිරො, සම්පස්සං විපුලං සුඛං.

291.

පරදුක්ඛුපධානෙන, අත්තනො [යො අත්තනො (සා. පි. ක.)]
සුඛමිච්ඡති;
වෙරසංසග්ගසංසට්ඨො, වෙරා සො න පරිමුච්චති.

292.

යඤ්ඨි කිච්චං අපවිද්ධං [තදපවිද්ධං (පි. සා.)], අකිච්චං පන
කයිරති;
උත්තලානං පමත්තානං, තෙසං වඩ්ඨන්ති ආසවා.

293.

යෙසඤ්ච සුසමාරද්ධා, නිච්චං කායගතා සති;
අකිච්චං තෙ න සෙවන්ති, කිච්චෙ සාතච්චකාරිනො;
සතානං සම්පජානානං, අත්ථං ගච්ඡන්ති ආසවා.

294.

මාතරං පිතරං හන්ත්වා, රාජානො ද්වෙ ව ඛත්තියෙ;
රට්ඨං සානුචරං හන්ත්වා, අනීසො යාති බ්‍රාහ්මණො.

295.

මාතරං පිතරං හන්ත්වා, රාජානො ද්වෙ ව සොත්ථීයෙ;
වෙයග්ගපඤ්චමං හන්ත්වා, අනීසො යාති බ්‍රාහ්මණො.

296.

සුප්පබුද්ධං පබුජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං බුද්ධගතා සති.

297.

සුප්පබුද්ධං පබුජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං ධම්මගතා සති.

298.

සුප්පබුද්ධං පබුජ්ඣන්ති, සදා ගොතමසාවකා;
යෙසං දිවා ව රත්තො ව, නිච්චං සඨ්ඨගතා සති.

299.

සුප්පබුද්ධං පබුජ්ඣන්ති, සදා ගොතමසාවකා;
යෙසං දිවා ච රත්තො ච, නිව්චං කායගතා සති.

300.

සුප්පබුද්ධං පබුජ්ඣන්ති, සදා ගොතමසාවකා;
යෙසං දිවා ච රත්තො ච, අභිංසාය රතො මනො.

301.

සුප්පබුද්ධං පබුජ්ඣන්ති, සදා ගොතමසාවකා;
යෙසං දිවා ච රත්තො ච, භාවනාය රතො මනො.

302.

දුප්පබ්බජ්ජං දුරභිරමං, දුරාවාසා සරා දුබා;
දුක්ඛොසමානසංවාසො, දුක්ඛානුපතිතද්ධගු;
තස්මා න වද්ධගු සියා, න ච [තස්මා න වද්ධගු න ච (ක.)]
දුක්ඛානුපතිතො සියා [දුක්ඛානුපාතිතො (?)].

303.

සද්ධො සිලෙන සම්පන්නො, යසොභොගසමප්පිතො;
යං යං පදෙසං භජති, තත්ථ තත්ථෙව පුජිතො.

304.

දුරෙ සන්නො පකාසෙන්නි, හිමවන්නොව පබ්බතො;
අසන්නෙත්ථ න දිස්සන්ති, රත්තිං ඛින්නා යථා සරා.

305.

එකාසනං එකසෙය්‍යං, එකො වරමතන්දිතො;
එකො දමයමත්තානං, වනන්තෙ රමිතො සියා.

පකිණ්ණකවග්ගො එකවිසතිමො නිට්ඨිතො.

22. නිරයවග්ගො

306.

අභුතවාදී නිරයං උපෙති, යො වාපි [යො වාපි (සි. පි. ක.)] කත්වා න
කරොමි වාහ [න කරොමිති වාහ (සා.)];
උභොපි තෙ පෙව්ච සමා භවන්ති, නිහිනකම්මා මනුජා පරත්ථ.

307.

කාසාවකණ්ඨා බහවො, පාපධම්මා අසඤ්ඤතා;
පාපා පාපෙහි කම්මෙහි, නිරයං තෙ උපපජ්ජරෙ.

308.

සෙය්‍යා අයොගුලො භුත්තො, තත්තො අග්ගිසිඛුපමො;
යඤ්චෙ භුඤ්චෙය්‍යා දුස්සිලො, රට්ඨපිණ්ඩමසඤ්ඤතො.

309.

චත්තාරි යානානි නරො පමත්තො, ආපජ්ජති පරදාරූපසෙවී;
අපුඤ්ඤලාභං න නිකාමසෙය්‍යං, නින්දං තතීයං නිරයං චතුත්ථං.

310.

අපුඤ්ඤලාභො ච ගතී ච පාපිකා, භීතස්ස භීතාය රතී ච ථොකිකා;
රාජා ච දණ්ඩං ගරුකං පණෙනි, තස්මා නරො පරදාරං න සෙවෙ.

311.

කුසො යථා දුග්ගහිතො, හත්ථමෙවානුකන්තති;
සාමඤ්ඤං දුප්පරාමට්ඨං, නිරයායුපකඩ්ඪති.

312.

යං කිඤ්චි සිලීලං කම්මං, සංකිලිට්ඨඤ්ච යං චතං;
සඩ්ධස්සරං බ්‍රහ්මචරියං, න තං භොති මහජ්ඣලං.

313.

කයිරා වෙ කයිරාථෙතං **[කයිරා නං (ක.)]**, දළ්භමෙතං පරක්කමෙ;
සිලීලො හි පරිබ්බාපො, භියො ආකිරතෙ රජං.

314.

අකතං දුක්කටං සෙය්‍යා, පච්ඡා තජ්ජති දුක්කටං;
කතඤ්ච සුකතං සෙය්‍යා, යං කත්වා නානුතජ්ජති.

315.

නගරං යථා පච්චන්තං, ගුත්තං සන්තරබ්බහිරං;
ඵලං ගොපෙථ අත්තානං, බණ්ණො වො **[බණ්ණො වෙ (සි. පි. ක.)]** මා
උපච්චගා;
බණ්ණාතීතා හි සොචන්ති, නිරයම්හි සමජ්ජිතා.

316.

අලජ්ජිතායෙ ලජ්ජන්ති, ලජ්ජිතායෙ න ලජ්ජරෙ;
මිච්ඡාදිට්ඨිසමාදානා, සත්තා ගච්ඡන්ති දුග්ගතිං.

317.

අභයෙ භයදස්සිතො, භයෙ වාභයදස්සිතො;
මිච්ඡාදිට්ඨිසමාදානා, සත්තා ගච්ඡන්ති දුග්ගතිං.

318.

අවජ්ජෙ වජ්ජමතිනො, වජ්ජෙ වාවජ්ජදස්සිනො;
මිච්ඡාදිට්ඨිසමාදානා, සත්තා ගච්ඡන්ති දුග්ගතිං.

319.

වජ්ජඤ්ච වජ්ජනො ඤාත්වා, අවජ්ජඤ්ච අවජ්ජනො;
සමමාදිට්ඨිසමාදානා, සත්තා ගච්ඡන්ති සුග්ගතිං.

නිරයවග්ගො ද්වාවිසතිමො නිට්ඨිනො.

23. නාගවග්ගො

320.

අහං නාගොව සඬිගාමෙ, වාපනො පතිතං සරං;
අතිවාකායං තිතික්ඛිස්සං, දුස්සිලො හි බහුජ්ජනො.

321.

දන්තං නයන්ති සමිතිං, දන්තං රාජාහිරුහති;
දන්තො සෙට්ඨො මනුස්සෙසු, යොතිවාකායං තිතික්ඛති.

322.

වරමස්සතරා දන්තා, ආජානියා ච [ආජානියාව (සා.)] සින්ධවා;
කුඤ්ජරා ච [කුඤ්ජරාව (සා.)] මහානාගා, අත්තදන්තො තතො
වරං.

323.

න හි එතෙහි යානෙහි, ගච්ජෙය්‍ය අගතං දිසං;
යථාත්තනා සුදන්තෙන, දන්තො දන්තෙන ගච්ඡති.

324.

ධනපාලො [ධනපාලකො (සි. සා. කං. පී.)] නාම කුඤ්ජරො,
කටුකහෙදනො [කටුකජ්ජහෙදනො (සි. සා. පී.)] දුන්නිවාරයො;
බද්ධො කබලං න භුඤ්ජති, සුමරති [සුසරති (ක.)] නාගවනස්ස
කුඤ්ජරො.

325.

මිද්ධි යදා හොති මහග්ගසො ච, නිද්දායිතා සම්පරිවත්තසායී;
මහාවරාහොව නිවාපපුට්ඨො, පුනස්පුනං ගබ්භමුපෙති මන්දො.

326.

ඉදං පුරෙ චිත්තමචාරි වාරිකං, යෙනිච්ඡකං යත්ථකාමං යථාසුඛං;
තදජ්ජහං නිග්ගහෙස්සාමි යොනිසො, හත්ථිජ්ජහින්තං විය
අඬිකුසග්ගහො.

327.

අප්පමාදරතා හොථ, සචිත්තමනුරක්ඛථ;
දුග්ගා උද්ධරථත්තානං, පඬිකෙ සන්තොව [සත්තොව (සි. පි.)]
කුඤ්ජරො.

328.

සචෙ ලහෙථ නිපකං සභායං, සද්ධිං චරං සාධුචිහාරිධිරං;
අභිභුයා සබ්බානි පරිස්සයානි, චරෙයා තෙනත්තමනො සතීමා.

329.

නො චෙ ලහෙථ නිපකං සභායං, සද්ධිං චරං සාධුචිහාරිධිරං;
රාජාව රට්ඨං විජිතං පභාය, එකො චරෙ මාතඬිගරඤ්ඤෙව නාගො.

330.

එකස්ස චරිතං සෙය්‍යා, නත්ථි බාලෙ සභායතා;
එකො චරෙ න ච පාපානි කශිරා, අප්පොස්සුක්කො
මාතඬිගරඤ්ඤෙව නාගො.

331.

අත්ථමහි ජාතමහි සුඛා සභායා, තුට්ඨි සුඛා යා ඉතරිතරෙන;
පුඤ්ඤං සුඛං ජීවිතසඬ්ඨයමහි, සබ්බස්ස දුක්ඛස්ස සුඛං පභානං.

332.

සුඛා මත්තෙය්‍යතා ලොකෙ, අථො පෙත්තෙය්‍යතා සුඛා;
සුඛා සාමඤ්ඤතා ලොකෙ, අථො බ්‍රහ්මඤ්ඤතා සුඛා.

333.

සුඛං යාව ජරා සීලං, සුඛා සද්ධා පතිට්ඨිතා;
සුඛො පඤ්ඤාය පටිලාභො, පාපානං අකරණං සුඛං.

නාගචග්ගො තෙවිසතිමො නිට්ඨිතො.

24. තණ්හාවග්ගො

334.

මනුජස්ස පමත්තචාරිනො, තණ්හා වඬ්ඨති මාලුචා විය;
සො ජලෙති [ජලෙති (සි. පි.), පලෙති (ක.), උජලෙති (?)] හුරා
හුරං, එලම්චිඡංච වනස්මි වානරො.

335.

යං එසා සහතෙ ජම්මී, තණ්හා ලොකෙ විසත්තිකා;
සොකා තස්ස පවඬ්ඨන්ති, අභිච්චංච [අභිච්චංච (සායා.),
අභිච්චංච (පි.), අභිච්චංච (ක.)] බිරණං.

336.

යො වෙතං සහතෙ ජම්මීං, තණ්හං ලොකෙ දුරච්චයං;
සොකා තම්හා පපතන්ති, උදබ්බන්දුව පොක්ඛරා.

337.

තං වො වදාමි හද්දං වො, යාවන්තෙත්ථ සමාගතා;
තණ්හාය මූලං ඛණථ, උසිරත්ථොව බිරණං;
මා වො නළංව සොතොව, මාරො හඤ්ඡී පුනස්සුතං.

338.

යථාපි මූලෙ අනුපද්දවෙ දළ්භෙ, ඡින්නොපි රුක්ඛො පුනරෙව
රුහති;
එවම්පි තණ්හානුසයෙ අනුභතෙ, නිබ්බත්තති දුක්ඛමිදං පුනස්සුතං.

339.

යස්ස ඡත්තිංසති සොකා, මනාපසවනා භුසා;
මාහා [වාහා (සි. සා. පි.)] වහන්ති දුද්දිට්ඨිං, සඬකප්පා
රාගනිස්සිතා.

340.

සවන්ති සබ්බධි සොකා, ලතා උප්පජ්ජ [උබ්භිජ්ජ (සි. සා. කං. පි.)]
තිට්ඨති;
තඤ්ච දිස්වා ලතං ජාතං, මූලං පඤ්ඤාය ඡින්දථ.

341.

සරිතානි සිනෙහිතානි ව, සොමනස්සානි භවන්ති ජන්තුනො;
තෙ සාතසිතා සුඛෙසිනො, තෙ වෙ ජාතිපරුපගා නරා.

342.

තසිණාය පුරක්ඛතා පජා, පරිසප්පන්ති සසොව ඛන්ධිනො [බාධිනො
(බහුසු)];
සංයොජනසඬගසත්තකා, දුක්ඛමුපෙන්නි පුනස්සුතං විරාය.

343.

තසිණාය පුරක්ඛතා පජා, පරිසප්පන්ති සසොව ඛන්ධිනො;
තස්මා තසිණං විනොදයෙ, ආකඬ්ඛන්ත [හික්ඛු ආකඬ්ඛි (සි.), හික්ඛු
ආකඬ්ඛං (සා.)] විරාගමත්තනො.

344.

යො නිබ්බතථො වනාධිමුත්තො, වනමුත්තො වනමෙව ධාවති;
තං පුග්ගලමෙථ පස්සථ, මුත්තො ඛන්ධනමෙව ධාවති.

345.

න තං දළ්භං බන්ධනමාහු ධීරා, යදායසං දාරුජපබ්බජඤ්ච **[දාරුජං බ්බජඤ්ච (සී. ටී.)]**;
සාරත්තරත්තා මණ්ඩකුණ්ඩලෙසු, පුත්තෙසු දාමරෙසු ච යා අපෙක්ඛා.

346.

එතං දළ්භං බන්ධනමාහු ධීරා, ඔහාරිනං සිථිලං දුජ්ජමුඤ්චං;
එතම්පි ඡෙත්වාන පරිබ්බජන්ති, අනපෙක්ඛිතො කාමසුඛං පභාය.

347.

යෙ රාගරත්තානුපතන්ති සොතං, සයංකතං මක්කටකොච ජාලං;
එතම්පි ඡෙත්වාන චජන්ති ධීරා, අනපෙක්ඛිතො සබ්බදුක්ඛං පභාය.

348.

මුඤ්ච පුරෙ මුඤ්ච පච්ඡතො, මජ්ඣෙ මුඤ්ච භවස්ස පාරගු;
සබ්බත්ථ විමුක්තමානසො, න පුනං ජාතිජරං උපෙහිසි.

349.

විතක්කමථිතස්ස ජන්තුතො, තිබ්බරාගස්ස සුභානුපස්සිතො;
භියොයා තණ්හා පවඨ්ඨති, එස ඛො දළ්භං **[එස ගාළ්භං (ක.)]**
කරොති බන්ධනං.

350.

විතක්කුපසමෙ ච **[විතක්කුපසමෙව (ක.)]** යො රතො, අසුභං
භාවයතෙ සදා සතො;
එස **[එසො (?)]** ඛො ඛාන්ති කාහිති, එස **[එසො (?)]** ඡෙච්ඡති
මාරබන්ධනං.

351.

නිට්ඨංගිගතො අසන්තාසී, විතතණ්හො අනඨගණො;
අච්ඡන්දි භවසල්ලානි, අන්තිමොයං සමුස්සයො.

352.

විතතණ්හො අනාදානො, නිරුත්තිපදකොච්ඤා;
අක්ඛරානං සන්තිපාතං, ජඤ්ඤා පුබ්බාපරානි ච;
ස වෙ “අන්තිමසාරීරො, මහාපඤ්ඤො මහාපුරිසො”ති වුච්චති.

353.

සබ්බාහිභූ සබ්බවිදුහමස්මි, සබ්බෙසු ධම්මෙසු අනුපලිත්තො;
සබ්බඤ්ජහො තණ්හක්ඛයෙ විමුක්තො, සයං අභිඤ්ඤාය
කමුද්දිසෙය්‍යං.

354.

සබ්බදානං ධම්මදානං ජිනාති, සබ්බරසං ධම්මරසො ජිනාති;
සබ්බරතිං ධම්මරති ජිනාති, තණ්හක්ඛයො සබ්බදුක්ඛං ජිනාති.

355.

හනන්ති භොගා දුමමෙධං, නො ච පාරගවෙසිනො;
භොගතණ්හාය දුමමෙධො, හන්ති අඤ්ඤෙව අත්තනං.

356.

තිණදොසානි බ්බත්තානි, රාගදොසා අයං පජා;
තස්මා හි වීතරාගෙසු, දින්නං හොති මහජ්ඵලං.

357.

තිණදොසානි බ්බත්තානි, දොසදොසා අයං පජා;
තස්මා හි වීතදොසෙසු, දින්නං හොති මහජ්ඵලං.

358.

තිණදොසානි බ්බත්තානි, මොහදොසා අයං පජා;
තස්මා හි වීතමොහෙසු, දින්නං හොති මහජ්ඵලං.

359.

(තිණදොසානි බ්බත්තානි, ඉච්ඡාදොසා අයං පජා;
තස්මා හි විගතිවිෂෙසු, දින්නං හොති මහජ්ඵලං.) [()
විදෙසපොත්ථකෙසු නත්ථී, අට්ඨකථායම්පි න දිස්සති]

තිණදොසානි බ්බත්තානි, තණ්හාදොසා අයං පජා;
තස්මා හි වීතතණ්හෙසු, දින්නං හොති මහජ්ඵලං.

තණ්හාවග්ගො චතුච්ඡතිමො නිට්ඨිතො.

25. භික්ඛුවග්ගො

360.

චක්ඛුනා සංවරො සාධු, සාධු සොනෙන සංවරො;
සානෙන සංවරො සාධු, සාධු ජීව්හාය සංවරො.

361.

කායෙන සංවරො සාධු, සාධු වාචාය සංවරො;
මනසා සංවරො සාධු, සාධු සබ්බත්ථ සංවරො;
සබ්බත්ථ සංවුතො භික්ඛු, සබ්බදුක්ඛා පමුවචති.

362.

හත්ථසංයතො පාදසංයතො, වාචාසංයතො සංයතුත්තමො;

අප්ඤ්ඤානරතො සමාහිතො, එකො සන්තුසිතො තමාහු භික්ඛුං.

363.

යො මුඛසංයතො භික්ඛු, මන්තභාණී අනුද්ධතො;
අත්ථං ධම්මඤ්ඤා දීපෙනි, මධුරං තස්ස භාසිතං.

364.

ධම්මාරාමො ධම්මරතො, ධම්මං අනුච්චිත්තයං;
ධම්මං අනුස්සරං භික්ඛු, සද්ධම්මා න පරිභායති.

365.

සලාහං නාතිමඤ්ඤෙය්‍යා, නාඤ්ඤෙසං පිභයං චරෙ;
අඤ්ඤෙසං පිභයං භික්ඛු, සමාධිං නාධිගච්ඡති.

366.

අප්පලාභොපි වෙ භික්ඛු, සලාහං නාතිමඤ්ඤති;
තං වෙ දෙවා පසංසන්ති, සුද්ධාජීවිං අතන්දිතං.

367.

සබ්බසො නාමරූපස්මිං, යස්ස නත්ථි මමාසිතං;
අසතා ච න සොචති, ස වෙ “භික්ඛු”ති වුච්චති.

368.

මෙත්තාවිහාරී යො භික්ඛු, පසන්තො බුද්ධසාසනෙ;
අධිගච්ඡෙ පදං සන්තං, සඬ්ඛාරූපසමං සුඛං.

369.

සිඤ්ඤා භික්ඛු ඉමං නාවං, සිත්තා තෙ ලහුමෙස්සති;
ඡන්තවා රාගඤ්ඤා දොසඤ්ඤා, තතො නිබ්බානමෙහිසි.

370.

පඤ්ඤා ඡිත්තෙදෙ පඤ්ඤා ඡහෙ, පඤ්ඤා චුත්තරි භාවයෙ;
පඤ්ඤා සඬ්ඛාතිගො භික්ඛු, “ඛසතිණ්ණො”ති වුච්චති.

371.

කුසාය භික්ඛු [කුසාය තුවං භික්ඛු (?)] මා පමාදො [මා ච පමාදො (සි. සා. පි.)], මා තෙ කාමගුණෙ රමෙස්සු [හමෙස්සු (සි. පි.), හචස්සු (සා.), රමෙස්සු (ක.)] විත්තං;
මා ලොහගුළං ගිලී පමත්තො, මා කන්දි “දුක්ඛමිද”න්ති ඩය්භමානො.

372.

නත්ථි ඝානං අපඤ්ඤස්ස, පඤ්ඤා නත්ථි අඝායනො
[අජ්ඣායිනො (ක.)];
යම්හි ඝානඤ්ච පඤ්ඤා ච, ස චෙ නිබ්බානසන්තිකෙ.

373.

සුඤ්ඤාගාරං පට්ටිඨස්ස, සන්තචිත්තස්ස භික්ඛුනො;
අමානුසී රති භොති, සම්මා ධම්මං විපස්සනො.

374.

යනො යනො සම්මසති, ඛන්ධානං උදයබ්බයං;
ලහතී [ලහතී (පී.), ලහතෙ (ක.)] පීතිපාමොජ්ජං, අමතං තං
විජානතං.

375.

තත්ත්වයාදි භවති, ඉධ පඤ්ඤස්ස භික්ඛුනො;
ඉන්ද්‍රියගුත්ති සන්තුට්ඨී, පාතිමොක්ඛෙ ච සංවරො.

376.

මිත්තෙ භජස්සු කල්‍යාණෙ, සුද්ධාජීවෙ අතන්දිනෙ;
පටිසන්ථාරච්ඡත්තස්ස [පටිසන්ධාරච්ඡත්තස්ස (ක.)], ආචාරකුසලො
සීයා;
තතො පාමොජ්ජබහුලො, දුක්ඛස්සන්තං කරිස්සති.

377.

චස්සිකා විය පුප්ඵානි, මද්දවානි [මජ්ඣවානි (ක. ටිකා) පච්චවානි (ක.
අට්ඨ.)] පමුඤ්චති;
ඵචං රාගඤ්ච දොසඤ්ච, විජ්ජමුඤ්චෙථ භික්ඛවො.

378.

සන්තකායො සන්තවාචො, සන්තවා සුසමාහිතො [සන්තමනො
සුසමාහිතො (සා. පී.), සන්තමනො සමාහිතො (ක.)];
චන්තලොකාමිසො භික්ඛු, “උපසන්තො”ති වුච්චති.

379.

අත්තනා වොදයත්තානං, පටිමංසෙථ අත්තනා [පටිමාසෙ
අත්තමත්තනා (සී. පී.), පටිමංසෙ තමත්තනා (සා.)];
සො අත්තගුත්තො සතිමා, සුඛං භික්ඛු විහාහිසි.

380.

අත්තා හි අත්තනො නාථො, (කො හි නාථො පරො සීයා) [()
විදෙසපොත්ථකෙසු නත්ථි]
අත්තා හි අත්තනො ගති;

තස්මා සංයමමත්තානං [සංයමය'ත්තානං (සී. පී.)], අස්සං හද්දංව
වාණිජො.

381.

පාමොජ්ජබහුලො භික්ඛු, පසන්නො බුද්ධසාසනෙ;
අධිගච්ඡෙ පදං සන්තං, සඬ්ඛාරූපසමං සුඛං.

382.

යො හවෙ දහරො භික්ඛු, යුඤ්ජති බුද්ධසාසනෙ;
සොමං [සො ඉමං (සී. සා. කං. පී.)] ලොකං පභාසෙති, අබ්භා
මුත්තොව චන්දිමා.

භික්ඛුවග්ගො පඤ්චවිසතිමො නිට්ඨිතො.

26. බ්‍රාහ්මණවග්ගො

383.

ජිනද සොතං පරක්කම්ම, කාමෙ පනුද බ්‍රාහ්මණ;
සඬ්ඛාරානං ඛයං ඤාත්වා, අකතඤ්ඤසි බ්‍රාහ්මණ.

384.

යදා ද්වයෙසු ධම්මෙසු, පාරගු හොති බ්‍රාහ්මණො;
අථස්ස සබ්බෙ සංයොගා, අත්ථං ගච්ඡන්ති ජානතො.

385.

යස්ස පාරං අපාරං වා, පාරාපාරං න විජ්ජති;
චිතද්දරං විසංයුත්තං, තමහං බුමි බ්‍රාහ්මණං.

386.

ඤායිං චිරජමාසීනං, කතකිච්චමනාසවං;
උත්තමත්ථමනුජ්ජත්තං, තමහං බුමි බ්‍රාහ්මණං.

387.

දිවා තපති ආදිච්චො, රත්තිමාහාති චන්දිමා;
සන්තද්ධො ඛත්තියො තපති, ඤායි තපති බ්‍රාහ්මණො;
අථ සබ්බමහොරත්තිං [සබ්බමහොරත්තං (?)], බුද්ධො තපති
තෙජසා.

388.

බාහිතපාපොති බ්‍රාහ්මණො, සමචරියා සමණොති වුච්චති;
පබ්බාජයමත්තනො මලං, තස්මා “පබ්බජිතො”ති වුච්චති.

389.

න බ්‍රාහ්මණස්ස පහරෙය්‍ය, නාස්ස මුඤ්චෙට්ඨ බ්‍රාහ්මණො;
 ධී [ධී (සාය. ඛ්‍යාකරණසු)] බ්‍රාහ්මණස්ස හන්තාරං, තතො ධී යස්ස
 [යො + අස්ස = යස්ස] මුඤ්චති.

390.

න බ්‍රාහ්මණස්සෙනදකිඤ්චී සෙය්‍යො, යදා නිසෙධො මනසො
 පියෙහි;
 යතො යතො හිංසමනො නිවත්තති, තතො තතො සම්මතිමෙව
 දුක්ඛං.

391.

යස්ස කායෙන වාචාය, මනසා නත්ථී දුක්කටං;
 සංවුතං තීහි යානෙහි, තමහං බුමි බ්‍රාහ්මණං.

392.

යම්හා ධම්මං විජානෙය්‍ය, සම්මාසම්බුද්ධදෙසිතං;
 සක්කච්චං තං නමස්සෙය්‍ය, අග්ගිභුත්තංව බ්‍රාහ්මණො.

393.

න ජට්ඨාහි න ගොත්තෙන, න ජච්චා හොති බ්‍රාහ්මණො;
 යම්හි සච්චඤ්ච ධම්මො ච, සො සුචී සො ච බ්‍රාහ්මණො.

394.

කිං තෙ ජට්ඨාහි දුම්මෙධ, කිං තෙ අජිනසාටියා;
 අබ්භන්තරං තෙ ගහනං, බාහිරං පරිමජ්ජසි.

395.

පංසුකුලධරං ජන්තුං, කිසං ධමනිසන්ථතං;
 එකං වනස්මිං කුමායන්තං, තමහං බුමි බ්‍රාහ්මණං.

396.

න වාහං බ්‍රාහ්මණං බුමි, යොනිජං මත්තිසම්භවං;
 හොවාදි නාම සො හොති, සචෙ හොති සකිඤ්චනො;
 අකිඤ්චනං අනාදානං, තමහං බුමි බ්‍රාහ්මණං.

397.

සබ්බසංයොජනං ඡෙත්වා, යො චෙ න පරිතස්සති;
 සඬගාතිගං විසංයුත්තං, තමහං බුමි බ්‍රාහ්මණං.

398.

ඡෙත්වා නද්ධිං [නන්ධිං (ක. සී.), නන්දිං (පී.)] වරත්තඤ්ච,
 සන්දානං [සන්දාමං (සී.)] සහනුක්කමං;

උක්ඛිත්තපලිසං බුද්ධං, තමහං බුම් බ්‍රාහ්මණං.

399.

අක්කොසං වධබන්ධඤ්ච, අදුට්ඨො යො තිතික්ඛති;
බන්තිබලං බලානිකං, තමහං බුම් බ්‍රාහ්මණං.

400.

අක්කොධනං චතචන්තං, සීලචන්තං අනුස්සදං;
දන්තං අන්තිමසාරීරං, තමහං බුම් බ්‍රාහ්මණං.

401.

චාරි පොක්ඛරපත්තෙව, ආරග්ගෙරිව සාසපො;
යො න ලිම්පති [\[ලිප්පති \(සි. පි.\)\]](#) කාමෙසු, තමහං බුම් බ්‍රාහ්මණං.

402.

යො දුක්ඛස්ස පජානාති, ඉධෙව බයමත්තනො;
පන්තභාරං විසංයුත්තං, තමහං බුම් බ්‍රාහ්මණං.

403.

ගම්භීරපඤ්ඤං මෙධාපිං, මග්ගාමග්ගස්ස කොච්ඡං;
උත්තමත්ථමනුප්පත්තං, තමහං බුම් බ්‍රාහ්මණං.

404.

අසංසට්ඨං ගහට්ඨෙහි, අනාගාරෙහි චූභයං;
අනොකසාරිමජ්ජිච්ඡං, තමහං බුම් බ්‍රාහ්මණං.

405.

නිධාය දණ්ඩං භූතෙසු, තසෙසු ථාවරෙසු ච;
යො න භන්ති න සාතෙති, තමහං බුම් බ්‍රාහ්මණං.

406.

අවිරුද්ධං විරුද්ධෙසු, අත්තදණ්ඩෙසු නිබ්බූතං;
සාදානෙසු අනාදානං, තමහං බුම් බ්‍රාහ්මණං.

407.

යස්ස රාගො ච දොසො ච, මානො මක්ඛො ච පාතිතො;
සාසපොරිව ආරග්ගා [\[ආරග්ගෙ \(ක.\)\]](#), තමහං බුම් බ්‍රාහ්මණං.

408.

අකක්කසං විඤ්ඤාපනිං, ගිරං සච්චමුදිරයෙ;
යාය නාහිසජෙ කඤ්චි [\[කිඤ්චි \(ක.\)\]](#), තමහං බුම් බ්‍රාහ්මණං.

409.

යොධ දීසං ව රස්සං වා, අණුං පුලං සුභාසුභං;
ලොකෙ අදින්නං නාදියති [නාදෙති (ම. නි. 2.459)], තමහං බුමි
බ්‍රාහ්මණං.

410.

ආසා යස්ස න විජ්ජන්ති, අස්මිං ලොකෙ පරමහි ව;
නිරාසාසං [නිරාසයං (සි. සා. පි.), නිරාසකං (?)] විසංයුත්තං,
තමහං බුමි බ්‍රාහ්මණං.

411.

යස්සාලයා න විජ්ජන්ති, අඤ්ඤාය අකථංකථී;
අමනොගධමනුජ්ජත්තං, තමහං බුමි බ්‍රාහ්මණං.

412.

යොධ පුඤ්ඤඤච පාපඤ්ච, උභො සඬගමුපච්චගා;
අසොකං චිරජං සුද්ධං, තමහං බුමි බ්‍රාහ්මණං.

413.

චන්දංච විමලං සුද්ධං, විජ්ජසන්නමනාවිලං;
නන්දිහවපරික්ඛිණං, තමහං බුමි බ්‍රාහ්මණං.

414.

යොමං [යො ඉමං (සි. සා. කං. පි.)] පලිපථං දුග්ගං, සංසාරං
මොහමච්චගා;
තිණ්ණො පාරගතො [පාරගතො (සි. සා. කං. පි.)] ඤායී, අනෙජො
අකථංකථී;
අනුපාදාය නිබ්බූතො, තමහං බුමි බ්‍රාහ්මණං.

415.

යොධ කාමෙ පහන්ත්වාන [පහන්වාන (සි. පි.)], අනාගාරො
පරිබ්බජෙ;
කාමහවපරික්ඛිණං, තමහං බුමි බ්‍රාහ්මණං [ඉදං ගාථාද්වයං
විදෙසපොත්ථකෙසු සකිදෙව දස්සිතං].

416.

යොධ තණ්හං පහන්ත්වාන, අනාගාරො පරිබ්බජෙ;
තණ්හාහවපරික්ඛිණං, තමහං බුමි බ්‍රාහ්මණං.

417.

හිත්වා මානුසකං යොගං, දිබ්බං යොගං උපච්චගා;
සබ්බයොගවිසංයුත්තං, තමහං බුමි බ්‍රාහ්මණං.

418.

භික්ඛා රතිඤ්ච අරතිඤ්ච, සීතිභූතං නිරූපධිං;
සබ්බලොකාභිභූං වීරං, තමහං බුමි බ්‍රාහ්මණං.

419.

චුතිං යො වෙදි සත්තානං, උපපත්තිඤ්ච සබ්බසො;
අසත්තං සුගතං බුද්ධං, තමහං බුමි බ්‍රාහ්මණං.

420.

යස්ස ගතිං න ජානන්ති, දෙවා ගන්ධබ්බමානුසා;
බිණ්ණාසවං අරහන්තං, තමහං බුමි බ්‍රාහ්මණං.

421.

යස්ස පුරෙ ව පච්ඡා ව, මජ්ඣෙකෙ ව නත්ථි කිඤ්චනං;
අකිඤ්චනං අනාදානං, තමහං බුමි බ්‍රාහ්මණං.

422.

උසහං පවරං වීරං, මහෙසිං විජිතාවිනං;
අනෙජං න්භාතකං [නභාතකං (සී. සා. කං පී.)] බුද්ධං, තමහං බුමි
බ්‍රාහ්මණං.

423.

පුබ්බෙනිවාසං යො වෙදි, සග්ගාපායඤ්ච පස්සති,
අථො ජාතික්ඛයං පත්තො, අභිඤ්ඤාවොසිතො මුනි;
සබ්බවොසිතවොසානං, තමහං බුමි බ්‍රාහ්මණං.

බ්‍රාහ්මණවග්ගො ඡබ්බිසතිමො නිට්ඨිතො.

(එත්තාවතා සබ්බපඨමෙ යමකවග්ගෙ චුද්දස වත්ථුනි, අප්පමාදවග්ගෙ නව, විත්තවග්ගෙ නව, පුප්ඵවග්ගෙ ද්වාදස, බාලවග්ගෙ පන්තරස, පණ්ඩිතවග්ගෙ එකාදස, අරහන්තවග්ගෙ දස, සහස්සවග්ගෙ චුද්දස, පාපවග්ගෙ ද්වාදස, දණ්ඩවග්ගෙ එකාදස, ජරාවග්ගෙ නව, අත්තවග්ගෙ දස, ලොකවග්ගෙ එකාදස, බුද්ධවග්ගෙ නව [අට්ඨ (ක.)], සුඛවග්ගෙ අට්ඨ, පියවග්ගෙ නව, කොධවග්ගෙ අට්ඨ, මලවග්ගෙ ද්වාදස, ධම්මට්ඨවග්ගෙ දස, මග්ගවග්ගෙ ද්වාදස, පකිණ්ණකවග්ගෙ නව, නිරයවග්ගෙ නව, නාගවග්ගෙ අට්ඨ, තණ්හාවග්ගෙ ද්වාදස, භික්ඛුවග්ගෙ ද්වාදස, බ්‍රාහ්මණවග්ගෙ වත්තාලිසාති පඤ්චාධිකානි තිණි වත්ථුසතානි.

සතෙව්සවතුස්සතා, වතුසච්චවිභාවිතා;
සතත්තයඤ්ච වත්ථුනං, පඤ්චාධිකං සමුට්ඨිතානි) [() එත්ථන්තරෙ
පාඨො විදෙසපොත්ථකෙසු නත්ථි, අට්ඨකථාසුයෙව දිස්සති].

[ධම්මපදස්ස වග්ගස්සුද්දානංඝ්‍යමකං පමාදං චිත්තං, පුප්ඵං බාලඤ්ච පණ්ඩිතං.ඝරහන්තං සහස්සං පාපං, දණ්ඩං ජරා අත්තලොකං.ඝබ්බද්ධං සුඛං පියං කොධං, මලං ධම්මට්ඨමග්ගඤ්ච.ඝපකිණ්ණකං නිරයං නාගං, තණ්හා හික්ඛු ව බ්‍රාහ්මණො.ඝගාථායුද්දානංඝ්‍යමකෙ වීසගාථායො, අප්පමාදලොකමිහි ව.ඝපියෙ ද්වාදසගාථායො, චිත්තෙ ජරත්තෙකාදස.ඝපුප්ඵබාලසහස්සමිහි, බුද්ධ මග්ග පකිණ්ණකෙ.ඝසොළස පණ්ඩිතෙ කොධෙ, නිරයෙ නාගෙ චතුද්දස.ඝඅරහන්තෙ දසග්ගාථා, පාපසුඛමිහි තෙරස.ඝසත්තරස දණ්ඩධම්මට්ඨෙ, මලමිහි එකවීසති.ඝතණ්හාවග්ගෙ සත්තබ්බිස, තෙවීස හික්ඛුචග්ගමිහි.ඝබ්‍රාහ්මණෙ එකතාලීස, චතුස්සතා සතෙවීස. (ක.)]

ධම්මපදෙ වග්ගානමුද්දානං -

යමකප්පමාදො චිත්තං, පුප්ඵං බාලෙන පණ්ඩිතො;
අරහන්තො සහස්සඤ්ච, පාපං දණ්ඩෙන තෙ දස.

ජරා අත්තා ච ලොකො ච, බුද්ධො සුඛං පියෙන ච;
කොධො මලඤ්ච ධම්මට්ඨො, මග්ගවග්ගෙන වීසති.

පකිණ්ණං නිරයො නාගො, තණ්හා හික්ඛු ච බ්‍රාහ්මණො;
එතෙ ඡබ්බිසති වග්ගා, දෙසිතාදිච්චබන්ධුනා.

ගාථානමුද්දානං -

යමකෙ වීසති ගාථා, අප්පමාදමිහි ද්වාදස;
එකාදස චිත්තවග්ගෙ, පුප්ඵවග්ගමිහි සොළස.

බාලෙ ච සොළස ගාථා, පණ්ඩිතමිහි චතුද්දස;
අරහන්තෙ දස ගාථා, සහස්සෙ හොන්ති සොළස.

තෙරස පාපවග්ගමිහි, දණ්ඩමිහි දස සත්ත ච;
එකාදස ජරා වග්ගෙ, අත්තවග්ගමිහි තා දස.

ද්වාදස ලොකවග්ගමිහි, බුද්ධවග්ගමිහි ඨාරස [සොළස (සබ්බත්ථ)];
සුඛෙ ච පියවග්ගෙ ච, ගාථායො හොන්ති ද්වාදස.

බුද්දස කොධවග්ගමිහි, මලවග්ගෙකවීසති;
සත්තරස ච ධම්මට්ඨෙ, මග්ගවග්ගෙ සත්තරස.

පකිණ්ණෙ සොළස ගාථා, නිරයෙ නාගෙ ච බුද්දස;
ඡබ්බිස තණ්හාවග්ගමිහි, තෙවීස හික්ඛුචග්ගිකා.


එකතාලීසගාථායො, බ්‍රාහ්මණෙ වග්ගමුත්තමෙ;

බුද්දකනිකායෙ

ධම්මපදපාළි

ගාථාසතානි චත්තාරි, තෙව්ස ච පුනාපරෙ;
ධම්මපදෙ නිපාතමිහි, දෙසිතාදිච්චබන්ධුනාති.

ධම්මපදපාළි නිට්ඨිතා.



සබ්බදාතං ධම්ම දාතං ජිනාති,
සබ්බරසං ධම්ම රසං ජිනාති;
සබ්බරතීං ධම්ම රතීං ජිනාති
තණ්හාක්ඛයෝ සබ්බදුක්ඛං ජිනාති

(ධම්මපදය තණ්හා වග්ගො)

ධම්මාරාමෝ ධම්මරතෝ - ධම්මං ධුත්ථිච්ඡන්දයං;
ධම්මං ධුත්ථස්සරං නික්ඛු - සද්ධම්මා හ පරිනායති.

(ධම්මපදය නික්ඛු වග්ගො)

ධම්මෝ පතොසො සුගතාප්පසන්ථෝ,
තරණීච සංසාර මහණ්ණවස්ස;
බ්‍රහ්මාසුරාදීනි අමස්සනීයෙතා,
රසො රසානං පරමෝ නිලොකෙ.

මහාගඳො මච්චුපරා පතානො,
සබ්බිනිනාසාය විසෙසමන්තො;
සබ්බන්ති දානෙත ච කප්පරුක්ඛො,
චිත්තමණී අද්දසටොච ධම්මො.

ධම්මං විනා තන්ති ජිනාච මානා,
තමෙව තාණං සරණං පනිට්ඨා;
තස්මා හි තො කිච්චමඤ්ඤප්පනාය,
සුඤ්ඤාච ධාරෙච වරාච ධම්මෙ.

(භස්වාහිනී)

චිරං නිට්ඨතු ලොකස්මිං - සම්මා සම්බුද්ධ සාසානං!

ධර්ම උත්තම පිණිසයි.....